

Najugaqarfitsialak - Tikitassaqqissoq

Takornariartitsinermut immikkoortumi

Pilersaarut

2025-2035

Indhold

1. Aallarniut.....	4
2. Aallaaviusut.....	5
3. Pingaartitat, Anguniakkat aamma siunnerfiusut	9
4. Iliuusissatut pilersaarut 2025-2035.....	13
4.1. Killiliussanik pitsaanerusunik pilersitsineq	13
4.2. Tikisitsisartunik aaqqissuussineq	15
4.3. Suli aammalu piginnaasanik ineriartortitsineq.....	23
4.4. Piujaannartitsineq	28
5. Uttuutit aamma anguniakkanik angusisarneq.....	31
6. Aningaasartuutissanut missingersuusiat aamma aningaasalersuineq.....	33
7. Kingunerisassai aamma nalorninaatit nalilersorneqarneri.....	33
8. Malitseqartitsisarneq	33

Naalakkersuisut

Inuussutissarsiornermut, Niuernermut, Aatsitassanut, Inatsisit Atuutsinneqarnerannut
Naligiissitaanermullu Naalakkersuisoqarfik

Tel +299 34 50 00

3900 Nuuk

Kalaallit Nunaat

www.naalakkersuisut.gl (Naalakkersuisut pisortatigoortumik quppersagaat)

www.tradeinvest.gl (Inuussutissarsiornermut, Niuernermut, Aatsitassanut, Inatsisit
Atuutsinneqarnerannut Naligiissitaanermullu Naalakkersuisoqarfik)

www.greenland.com (Visit Greenland-ip quppersagaa)

1. Aallarniut

Takornariartitsinerup ineriartortinneqarnera malunnaatilimmik ukiuni kingullerni qaffariartorfiusimavoq, - ineriartorneq taanna ingerlaannaassasoq kikkut tamarmik naatsorsuutigaa. Tamanna ersarissimavoq illoqarfinni aalajangersimasuni aamma nunaqarfinni aalajangersimasuni. Taakkunanani kinguneqarsimavoq kaffisorniartarfiit amerlanerulerneranik, pisiniarfiit isaatitaqarnerulernerannik, takornariartullu ataatsimoortut aqqusinerni inuillu pisuffiini pinngortitami angalaartut amerlanerulernerannik. Sumiiffinni allani immaqa takornariaqarnera ajornarnerulersitsivoq bilitsisiniartarnermik sumiiffinnut aalajangersimasuni ukiup qanoq ilinera apeqqutaalluni, imaluunniit pisiniarfiit nunguutsiaarnerusalernerannik.

Naalakkersuisut kissaatigaat takornariartitsinerup inuiannut iluaqutaanissaa, nunalu inuuffigissallugu pitsaanerulersissagaa.

Angusaqarluarusussuseq taanna piviusunngussappat pisariaqarpoq pisortat ingerlatsiviini immikkoortut tamarmik siunnerfimmot aalajangersimasumut ingerlaarnissaat, ilalersuisinnaajumalluta takornariartitsinerup ineriartortinneqarneranik.

Inuussutissarsiutit immikkoortuat taanna suliassaqarpoq iliuusissanik allaaserineqartunik amerlasuunik pisariaqartinneqartunillu, qularnaassagutsigu takornariartitsisarnerup ineriartortinneqarnissaa alliarturneralu, imaalillugu tamanna aningaasarsiornitsinnut iluaqutaalersillugu, kulturitsinnut aamma pinngortitamut avatangiisitsinnut iluaqutaalersillugu. Takornariartitsinerullu siammaritserneqarsinnaalersinneratigut nunatsinni sumiiffinnut tamanut, ukiuni allanngorarfiini tamani ingerlanneqarsinnaatillugu.

Soorlu atuarsinnaagissi iliuusissat eqqaaneqartut amerlasuujusut pisariaqartippaat ukiuni amerlasuuni ineriartortitsisoqarnissaa, anguniagarput angujumallutigu. “Sukkasuumik” tamatigut pitsaasuusangilaq. Amerlasuunik inunnik takornariartitsisarneq sukkasuumillu ineriartortitsineq inuussutissarsiummi immikkoortumi uani anguniagaangilaq. Paarlattuanik ilalersorneqassaaq, tassa tapersorneqassaaq takornariartitsinermik ineriartortitsineq piujuaannartitsisoq ungasissoq isigalugu, kikkullu tamarmik malinnaaffigisinnaasaat.

Kalaallit Nunaat nunaavoq najoruminartoq, uagullu kissaatigaarput nunarput tikeraanik piujuaannartitsisumik aqqissuussilluni misigisaqarfigissallugu, - takornariartunut, uagullu iluanaartugut Kalaallit Nunaat angerlarsimaffimmik taasinnaagatsigu, tamatta eqqarsaatigaluta.

Naaja H. Nathanielsen

Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalakkersuisoq.

2.Aallaaviusut

2023 tassaavoq ukioq angusaqarfiunerpaajusoq, nunnillutik takornariartartunut aamma umiarsuarnut takornariartaatinut ilaallutik takornariartartunut. Visit Greenland-ip aamma Kalaallit Nunaanni Kisitsisinik Naatsorsueqqissaartarfiup kisitsisaatai naapertorlugit timmisartumik takornariartut 65.000 -ingajaviit angalapput Kalaallit Nunaannut, taavali 76.500 -ut missaat umiarsuarlutik takornariarsimallutik. Timmisartunut ilaasut annertuseriaatigaat 9 % -it 2022-imut sanilliullugu, umiarsuarlutillu takornariartut 73,8 %-ersuarnik annertuseriaateqartut 2022-imut sanilliullutik. Killilersuinerit umiarsuarnut takornariartaatinut atuuttut Svalbard-imi kingunerisannik, kiisalu Rusland-ip imartaani imaatigut angalasarnerit unitsinneqarnerisa kingunerisaanik, umiarsuit takornariartaatit Kalaallit Nunaannut saapput, tassani ikittuinnarni (imaluunniit soqanngimmat) killersuisoqarmat.

2024 -imi aamma 2026 -imi timmisartut mittarfii nutaat pingasut ammassapput, nunaniillu allaniit tigusunnaasagut annertuseriassallutik. Nalilersuinerit agguaqatigiissillugu tikkuarpaat timmisartunut ilaallutik angalasut 4 %-it missaannik 2050¹-ip tungaanut amerliartussasut.

Tikeraat amerleriarnissaannik naatsorsuutigisaqarneq pinngitsoorani inuiaqatigiinnut sunniuteqassaaq, taamaattumillu piumasaqaataavoq ataqatigiissumik pilersaaruteqarnissaq ingerlatsiviit assigiinngitsut akimorlugit aaqqissuussaasumik. Tamatuma qularnaassavaa inuiaqatigiit takornariartitsinermit annertunerpaanik iluanaaruteqarnissaat. Tamanna atuuppoq aningaasarsiornikkut isaatitsinermut, kisiannili aamma kulturikkut inooqatigiinnikkullu, takornariartitsinerup kingunerisaanik misigisassanik ineriartortitsiviusussamik, allatigut inuussutissarsiornikkut takornariartitsinermik kiffartuussisuni, inuussutissanik najukkaneersunik ineriartortitsinerni aamma attaveqatigiinnermi aaqqissuussinertigut. Tamatumuuna anguniagaavoq takornariartitsinerup nunap immikkoortuini nunamilu tamarmiusumi inuunermut inooriaatsimullu tunniussaqaarnissaa. Takornariartitsineq inuiaqatigiinnut iluaqutaassaaq, sunniuteqassallunilu maani pitsaanerusumik inooriaaseqarsinnaanermut.

Nalilersuineq *Aningaasarsiornermut sunniutaasut Kalaallit Nunaannut nunanit allaneersut takornariartarnerisa* suliarineqartoq Visit Greenland-imit, Greenland Airports-imit, Sikuki-mit, Nalik Ventures-imit, AECO-mit, Air Greenland -imit aamma aningaaserivimmit GrønlandsBANKEN -imit 2024-imeersoq qaammarsaavoq aningaasarsiornermut sunniutaasunik takornariartitsinermeersunik. Ataatsimut qulaaniit isigisumik nalilersuinermit missiliuunneqarpoq 2023-imi takornariartitsinerup avataaneersunik kaaviiartitsineq sunniuteqarfigissavaa, 1,9 mia. kr.-inik annertussusilimmik, tassanilu timmisartumik takornariartarneq 57 %-ivoq isertitani. Nalilersuineq takutippaa pingaaruteqaqisoq inuit siunnerfigisakkaat eqimattat eqqortut soqutiginnilersinneqartarnissaat. Assersuutigalugu inuiaqatigiit isertitsissutiginerusarpaat timmisartorlutik takornariartut, umiarsuarnut takornariartaatini ilaasuniit. Nalilersuinerit pineqartutut ittut periarfissiisarput

¹ Greenland Airports


qulaajaanissanut qanoq aaqqissuussinikkut takornariartumit ataatsimiit
isaatitsinerusinnaanitsinnik, aammalu tikkuartarlugu takornariartartut kikkut iluaqutaasumik
soqutiginnilersinneqarsinnaanersut.

Immikkoortumut pilersaarummi qularnaarneqassaaq siunnerfilersorluagaasumik
aningaasarsiorfigineqarsinnaanerusunik takornariartunik soqutiginnilersitsisinnaaneq,
taakkualu maaniinnerisa inuiaqatigiinnut pitsaanerusunik sunniuteqartarnissaat.
Misigisassarsiortartut, nalinginnaasumik najukkani agguaqatigiissitsinikkut atuinerusartut,
assullu mianersortarlutik ornitaminni ajoqusiinnginnissaminnut, taakkuussapput aallutassat
pingaarnertit qitiutinneqartussat. Kiisalu aamma taakkua naleqquttuupput soqutigisamikkut
pinngortitarsuarmut, kulturimut immikkuullarissumut, aammalu timikkut
qasujaatsuunermikkut, naleqqulluarlutillu nunatsinni takornariartitsinermi neqeroorutaasunut.

Uani takornariartitsinermut immikkoortumi pilersaarummi takornariartitsinerup
ineriartortinneqarnissaani toqqarneqassapput anguniakkat aamma iliuusissat pisariaqartut
sulissutigissallugit ukiuni tulluittuni 10-ni, Naalakkersuisoqarfiit pisortaqarfiillu akimorlugit.

Takornariartitsineq tassaavoq suliffissuaqarneq, attuumassuteqartoq ingerlatsivinnut
inuussutissarsiutinullu allanut. Inuit amerlanerusut inuiaqatigiinniilerpata - aamma tamanna
piffissap ilaannaa pisaraluartoq – aamma naak tamanna ingerlaannartumik
isumamineertumillu pisaraluartoq, - inuiaqatigiinni nukinnik atugassanik “naqitsineq”
annertunerulissaaq, tamanna sanaartornermiippat, timikkut tigussaasuuppat, pisortani
kiffartuussineruppat, attaveqaasersuutiniippat, inuttut nukissaniippat imaluunniit
nioqqutiniippat. Tamanna takornariartitsinermik ineriartortitsinissamik pilersaarummi
ilanngullugu isumaliutigineqassaaq, tassami takornariartitsineq inuiaqatigiinnut
akornutinngussanngimmat. Takornariartitsinerup siammasissumik paasineratigut, aamma
sunniutaasut inuiaqatigiit ingerlatsineranniittut paasinerisigut ataatsimut isigisumik,
iluattissinnaavarput inuussutissarsiutit sammiviata taassuma iluaqutiginissaa.

Takornariartitsinermut immikkoortumi pilersaarut tunngaveqarpoq takornariartitsinermi
inatsimmi Inatsisartunit 2024 ukiaani akuersuissutigineqartumit, aamma anguniakkanik
pilersaarusiukkamik pilersaarutiniq aaqqissuussinernik, ingerlanneqarlunilu
Inuussutissarsiornermut, Niuernermut, Aatsitassanut, Inatsisit Atuutinneqarnerannut
Naligiissitaanermullu Naalakkersuisoqarfimmiit. Piffissamut ikaarsaariarfiusumut
periusissiaq takornariartitsinermut atatillugu 2023-2024-imi atuuttoq suliarineqarsimavoq
ingerlatsisunit assigiinngitsunit ataatsimiittarnerit arlalissuit atorlugit, amma
ataatsimiittarnerit ingerlatsisullu aamma kommunalbestyrelsit, naleqqussagaallunilu
Naalakkersuinikkut Periusissianut, immikkoortumi pilersaarutitut aamma iliuusissatut
pilersaarusiianut suliaasaqarfinni allani, kiisalu inuussutissarsiortuniit inassuteqaatinut
inuussutissarsiortuneersunut aamma sulisut kattuffiineersunut. Taakkua suussusilersorlugit
kikkuussusilerneqarput, kisianni killiliisuunngitsunik ukununga:



Turismesektorplan 2025-2035	Takornariartitsinermut immikkoortumi pilersaarut 2025-2035
Naalakkersuisut beskæftigelsesstrategi 2022-2024	Naalakkersuisut sulisoqarnermi periusissiaat 2022-2024
Havnesektorplan	Umiarsualiveqarnermut immikkoortumi pilersaarut
Naalakkersuisut Uddannelsesstrategi fra 2024	Naalakkersuisut Ilinniartitaanermut Immikkoortumi Pilersaarutaat 2024-imeersoq
Erhvervsøkonomisk strategi fra oktober 2023	Inuussutissarsiornikkut aningaasarsiornermi periusissiaq oktober 2023
9 anbefalinger til turismeudvikling udarbejdet af branchen under Visit Greenlands turismekonference Towards Better Tourism i 2023	Inassuteqaatit qulingiluat takornariartitsinerup ineriartortinneqarnissaanut isumasioqatigiinnermeersut Towards Better Tourism 2023-imi
Holdbarheds- og vækstplan fra november 2023	Qajannaassutsimut Inerisaanermullu Pilersaarusiaq 2023-imeersoq

Aaqqissuussaanikkut takornariartitsineq fagitut aamma suliatut ineriartortitsiviusutut inissisimavoq Namminersorlutik Oqartussani aamma kommunini. Namminersorlutik Oqartussat akisussaapput nunamut tamarmut politikkikkut killiliussanut, kommunillu aammalu najukkani inuussutissarsiornermut siunnersuisoqatigiit nunap immikkoortuini takornariartitsinermik ineriartortitsinermut ussassaarinermullu akisussaasut. Visit Greenland tassaavoq nunamut tamarmut atuuttumik takornariartitsinikkut siunnersuisoqatigiit immikkut ilisimasalinnik ilaasortaqartoq, Naalakkersuisunillu suleqateqartoq aaqqissuussaanerullunilu ingerlatsisusutut nunamut tamarmut ussassaarinermik, takornariartitsinermik ineriartortitsinermik aamma inuussutissarsiortunik tapersersuisutut siunnersuisutullu. Taakkua saniatigut inuussutissarsiornermik ingerlatsisusut amerlasuut takornariartitsinermullu attuumassuteqartut, sulisut kattuffii, soqutigisaqatigiit, sammisanut attuumassuteqartut, soorlu inuiaqatigiit, avatangiisit aamma piniartut aamma aalisartut, kiisalu aamma danskit oqartussaasui, sillimaniarnermut oqaasissaqartuusut, nakkutilliisut il.il. Takornariartitsinermik ineriartortitsinermi taamaattumik isummersorfigisassat, aamma akuleruttagassat tassaapput ingerlatsisut assigiinngitsut tamarmik iluatsittumik ingerlatsisoqassappat.

Immikkoortumut pilersaarutip iluatsinnissaani aallaaviussaaq ataqatigiissaarineq annertoq, aamma pitsaasumik oqaloqatigiinnerit suliniutissanut atasumik kommunillu. Ineriartorneq inuiaqatigiit akornanni aamma takornariartitsinermik inuussutissarsiortut akornanni tikeraat

ornittagaanniittuni pissaaq. Pingaaruteqarpoq kommunit pisussaaffiliutissagaat iliuusissat suliniutissaniittut pilersaarutaasut, takornariartitsinerullu ineriartortinneqarneranik piginnittutut pissusilersornisaat najukkani namminerni atugassarititaasut aallaavigalugit. Kommuninut tamanna isumaqalerpat, taava kommunip nukiit atugassat suliniutissanut sammisussat iluaqusiisumik immikkoortittassavai.

Periaaserineqartoq nassuiaasiornermi takornariartitsinermut pilersaarummut atasumi ilanngussami A-mi takuneqarsinnaavoq.

3. Pingaartitat, Anguniakkat aamma siunnerfiusut

Ukioq 2035 -imi Kalaallit Nunaat nunaassaaq issittuni takornariartitsivik qaffasinnerpaamik inissisimasooq. Takornariartitsinermik inuussutissarsiutit tassaapput inuiaqatigiinni nappataasut, malunnaatilinnillu inuiaqatigiit ineriartortinneqarnerannut, atugarissaarnermut atugartuussutsimullu tunniussaqaqartarlutik, aningaasarsiornikkut aamma kulturikkut. Takornariartitsineq naleqartunik pilersitsisarpoq, - aningaasarsiornikkut aamma atugartuussutsikkut. Takornariartitsineq iluaqutaavoq kikkunnut tamanut, nunatsinnillu najoruminarnerulersitsilluni.

Anguniagaavoq suliaasaqarfiit assigiinngitsut akimorlugit takornariartitsinerup ineriartortinneqarnissaa, kikkullu tamarmik assigiimmik allorissaaqatigiinnissaat, piujuaannartitsineq inuiaqatigiinnilu naleqartitat isiginiartuaannarlugit. Anguniagaavoq qularnaassallugu suliaasaqarfiit assigiinngitsut akimorlugit siunnerfilersukkamik takornariartitsinermik ineriartortitsineq, kikkut tamarmik susassaqaqtut siunnerfimmik ataatsimik isigisaqarlutik ingerlatsivigisaat, aammalu piujuaannartitsinermik inuiaqatigiinnullu naleqartitanik isiginnittuaannarluni ingerlatsiviusooq. Takornariartitsinermik ineriartortitsineq tassaaginnassanngilaq amerlanerusunik takornariartoqartalernissaa, kisianni aamma takornariamit ataatsimit isertitat qaffasinnerusut. Anguniagaavoq pitsaassuseq amerlasuutitsiniarnermit salliussasooq, imatut paasillugu takornariartitsineq pitsaanerusooq iluatitsinermut piumasaqaataassasooq, amerlasutsiniinnani. Tamanna peqataassaaq najukkani tapersersortissarsisarnissamut takornariartitsinermik, takornariartut ataasiakkaat pitsaanerusunik misigisaqartsittarlugit.

Anguniagaq 2035

- Takornariartitsineq tassaassaaq nunatsinni avammut niuerutigisatta 40 % - iat
- Takornariartartut amerlasutsimikkut marloriaatinngorsimassapput, takornarianiillu isertitat annertusisimassallutik.
- Inuit 2000 -init amerlanerusut takornariartitsinermi sulisuussapput.
- Naammassisinnaasanik iluaquteqarneq 75 -inik ukiumut qaffariaateqarsimassaaq.
- Takornariartitsinermik ingerlatsisut tamarmik allassimasumik piujuaannartitsinermik anguniagaqassapput.

Immikkoortumut pilersaarummi suliniutit tamarmik siuliani anguniakkanik 2035-ip tungaanut anguniagaqassapput. Tamatuma saniatigut immikkoortumut pilersaarut nalilerneqartassaaq naammassisamigut immikkoortut aallussiviusuni sisamani, immikkut toqqagaasuni anguniakkanik angusaqarniarnermi. Aallussiviusut sisamaasut tassaapput:

- A Killiliussanik pitsaannerusunik pilersitsineq**
- B Tikeraanut tikittartunut periarfissat pitsaannerusut.**
- C Piginnaasanik ineriartortitsineq sulii aammalu.**
- D Piujaannartitsineq**

Aallussiviusoq A: Killiliussat pitsaannerusut

Ersarissumik politikkikkut anguniagaqartoqarpoq ingerlaavartumik qularnaarneqartassasut killiliussat ullutsinnut naleqquttut ineriartortitsinerullu tapersersorneqarnera. Killiliussanut ilaavoq assersuutigalugu ineriartortitsineq aamma inatsisinik malinnaatitsineq, ineriartorneq malinnaatitsinerlu allaffissornermik takornariartitsinermit atasumik, ingerlaavartumik kisitsisinik paasissutissanik ilisimasanillu katersisarneq, suliniutit sinnerinut tapersersuisumik aaqquissuussatut, kiisalu killiliussat pilerinartut qularnaarneqarneri, periarfissaqartitsisut aningaasaliissutissanut. Siulliullugu aallunneqassaaq takornariartitsinermit inatsisip Inatsisartunit 2024-imi akuersissutigineqartoq.

Aallussiviusoq B: Tikeraanut tikittartunut periarfissat pitsaannerusut

Killiliussanik ineriartortitsineq annerusutigut allaffissornikkut ingerlanneqartarpoq, kisiannili tikeraanik tiguisartunik ineriartortitsineq tassaannerulluni sanaartorneq atortulersuusersornerlu, inunnik amerlasuunik isumaginnissinnaasunik isumagisanillu annertusaasinnaasunik. Pingaaruteqarpoq tikeraanik tigooraasartut takornariartuinnarnik isiginiaanninnissaat, kisiannili aamma najukkani atortulersuutit pitsanngorsaaneq aamma najugaqartunut pineqarlutik. Aallussiviusut taamaasillutik attaveqaasersuutit nukittorsaannerupput, ineriartortitsinerit piujaannartitsisuusut pinngortitami misigisassanik aaqquissuussinerni, pinngortitamik illersuineq aamma kulturi sumiiffinni amerlasuunit angallaffiusuni soorlu inuussutissarsiortuni.

Aallussiviusoq C: Piginnaasanik ineriartortitsineq sulii aammalu

Piginnaasanik ineriartortitsineq aalajangiisuuvoq najukkani innuttaasut peqataanissaanik qularnaarinnermi, aamma najukkani takornariartitsinerup aningaasarsiutaanerani. Naleqquttunik ilinniartitaanertigut neqerooruteqarnikkut aamma ilinniaqqinnernut aningaasaliissutitsigut peqataaniarpugut najukkani sulisussat nukittorsarneqarnissaannik peqataanissamut. Sulisussat ilalersuisinnaapput piujuaannartitsisumik annertusaaviusumillu takornariartitsinerup ineriartortinneqarnerani. Taamaattumik tigussaasumik pineqarput naleqqussaanerit ilinniartitaanermilu neqeroorutitik ineriartortitsineq, innuttaasut ilinniarsimassusaanik ineriartortitsineq, najukkani ilinniarsimassutsimik qaffasinnerulersitsisut, ulloq tamaat imaluunniit ullup ilaannaani suliffeqarneq eqqarsaatigalugit. Ilanngullugu aamma matumani pineqarput najukkani innuttaasut ilisimasaqassusissaat takornariartitsinnermi periarfissanik, aamma tamatuma sunniutigisaanik, amerlanerusullu ukioq naallugu suliffissaannik pilersitsiortortoqarnissaa. Amerlanerusut takornariartitsinnermik inuussutissarsiummi suliffeqassapput. Inuussutissarsiutit amerlasuut sulisussaminnik amigaateqarput, taamaattumik unammilligassaavoq amerlanerusunik sulisussanik pissarsiniarnissaq, inuussutissarsiummi sulerusuttunik. Inuussutissarsiutinit allanit sulisussarsiortarnerup saniatigut (ingerlatsinnerminnik annikinnerulersitsisunit), aamma inunnik ullup ilaanna sulisartunik takornariartitsinnermi, taava annerusumik nunanit allaneersut sulisussat pisariaqartissavagut.

Aallussiviusoq D: Piujuaannartitsineq

Takornariartitsinnermi pilersaarummi anguniagaavoq takornariartitsinnermik ineriartortitsinissaq, naapitsisumik aningaasarsiornermik ineriartortitsisumik avatangiisit, pinngortitaq aamma najugaqarfiit isiginiarlugit. Inuiat takornariartitsinnermik tapersersuinerannut apeqqutaavoq takornariartitsinerup inuit inuunerannik innarliinnginnissaat, neqeroorutit nakiillu innuttaasuniittut innarlerneqannginnissaat ilanngullugu eqqarsaatigineqassammata, kisiannili paarlaattuanik peqataanissaat nunatta inuuffigiuminartuunissaanut. Takornariartut amerlanerusut, isumaqarpoq timmisartut amerlanerusut, umiarsuit amerlanerusut, sanaartukkat amerlanerusut, aamma nunap nammineq iluani angallanneq annertunerusoq nunakkut aamma imaatigut, piffissami matumani avatangiisinut silaannarmullu oqimaatsumik. Assersuutigalugu pineqarput nunami namminermi innaallagiasaq annertunerusoq silaannarmik mingutitsineq annikinnerutikkumallugu, avatangiisinut silamullu iluaqutaasumik. Matumani aamma pineqarpoq piujuaannartitsinnermik ineriartortitsineq, takornariartitsinnermi namminermi, “qorsuusunillu” aaqqiissutissaqartarneq, uninngaarnissanik nioqqutinillu pisinarnerni. Naatsorsuutigineqarpoq teknologiimik ineriartortitsineq aamma piujuaannartitsinnermut aqqutissieqataassasoq, immikkoortumik pilersaarutip atuuffiani, piffissami tassani “qorsuusunut” aaqqiissutissanut sammisumik ingerlatsisoqassammat.

FN -imi piujuaannartitsisumik ineriartortitsinissamut anguniakkat tunuliaqutaapput immikkoortumut pilersaarummi suliniutini arlaqartuni. FN-imi nunarsuatsinni anguniakkat 17-iusut aamma 169 anguniakkat ilaanniit toqqaasoqarpoq immikkut anguniakkanik

sisamaasunik, qitiusussanik takornariartitsinermut pilersaarummi immikkoortumi ukiuni tulluuttuni qulini periusissiami:

- Pitsaassusilersukkanik ilinniartitaanerit (nunarsuarmit anguniagaat 4)
- Atorfiit ataqqinartut aamma aningaasarsiornikkut ineriartortitsineq (nunarsuarmit anguniagaat 8)
- Suliffissuaqarneq, Inerisaaneq aamma Avatangiisit (Nunarsuarmit anguniagaat 9)
- Atuineq akisussaassuseqartoq aamma nioqqutissiorneq (Nunarsuarmit anguniagaat 12)

Taakkunanga sisamanik aallussineq taamaattoq mattussinngilaq anguniakkat allat sulissutigineqarsinnaaneranni aamma anguniakkat immikkoortut ilaasa ukiuni tulluuttuni qulini.

4. Iliuusissatut pilersaarut 2025-2035

Immikkoortumi uani ilisaritinnegassapput iliuusissat ilaat, immikkoortut suliami akulerunneqartut piviusunngortinniagaat ukiut tulliuuttut qulit iluanni. Suliniutit nalunaarsorneqassapput ataatsimut ilanngussami, immikkut sammisassat ataanni, tulleriaarinernut atasunik, aamma qanoq annertutigisumik aallussiviusunik sisamaasunik ilalersuineri 2035-imut tunngavigalugit. Suliniutit iliuusissat namminneq ataanni ersissaaq pisortani kikkut anguniakkat anguneqarnissaannut akisussaaneri.

4.1. Killiliussanik pitsaanerusunik pilersitsineq

Takornariartitsineq 2024-imili nunatsinni inuussutissarsiutini immikkoortuuvoq sukkanerpaamik ineriartortitsiviusoq, ineriartortitsinerlu taanna naatsorsuutigineqarpoq ingerlaannaassasoq. Ataaniittoq figuri naapertorlugu takuneqarsinnaavoq ilanngaateqanngitsumik naleqartitat annertusiartornerat, sulisut aamma akileraarutit aamma akitsuutit, pisut 2018-2023².

Bruttoværditilvæksten, beskæftigelsen og skatter & afgifter er **forøget med hhv. 38%, 34% og 34%** i perioden 2018-2023



Aallussiviusoq ilalersorneqarpoq tigussaasunik iliuusissanik 8-nik, siammasissunik assigiinngiiaarnikkut sisivussutsinilu piviusunngortitsinermi. Suliniutit ilaat qaffasissumik pingaartinneqarput allanut sanilliullugit, taakkua siuarsaasinnaallutillu inuussutissarsiummi aalajangiisuusinnaagamik.

Suliniutiniit tulliuuttut pingaarnertut aallunneqassapput, tulleriaarinermilu qaffasissumik inissisimallutik piviusunngortitsinniarnermi:

² FINAL_Aningaasarsiornermut sunniutaasut nunanit allaniit takornariartartuneersut Kalaallit Nunaanni pdf (tourismstat.gl)

Suliniut 1 – Aallartinnermut – aamma annertusiartortitsinnermut aningaasaliissutit

Immikkut aningaasaliissutinik pilersitsinnermi immikkut aallunneqassapput aallartinnermut ineriartortitsinnermullu aningaasaliissutissat. Aningaasaliissutit taakkua tapersersussavaat suliniutit takornariartitsinnermik ineriartortitsisut illoqarfiit annerit avataanniittut.

Attartortitsisarnerit pioreersut aamma tapiissuteqartarnerit aamma pisariaqartitsineq iluarsiissutissanut nalilersuivigineqassapput. Kiisalu aamma ilanngullugit qulaajarneqassapput takornartanik aaqqissuussinernik pilersitsisoqassanersoq, siuarsaatinik allanik pilersitsisoqassanersoq, minnerunngitsumik unammilligassaqaarfiusuni, ingerlatsisut nammineq aningaasaliissutissanik ineriartortitsisinnaanerin, pisariaqartunut aningaasalersugassanut.

Suliniut 7 – Erseqqissaatit takornariartitsinerup aningaasarsiornermut sunniutai

Inuiaqatigiit aningaasarsiorneranni iluaqutissarsiat takornariartitsinnermeersut paasiumallugit suliaqartoqassaaq nalilersuinnermik taasinnaasatsinnik tassaasumik Tourism Satellite Account (TSA), siunertaqartumik qaammarsaanermik nunanit allaneersut takornariartarnerisa Kalaallit Nunaanni aningaasaqarnermut qanoq naleqarneranik qaammarsaanermik. Kalaallisut Tourism Satellite Account-imik (TSA) pilersitsinikkut alloriassaagut nunat tamalaat akornanni takornariartitsinerup aningaasarsiutigineranik nalilersuisarnermi assigiissaarinnermut. Suliniut taanna immikkut ittunik periarfissaqartitsivoq nunat allat peqatigalugit periaatsinik akuerisaasunik aalajangersimasunik atuinnissamut, taakkua siammasissumik akuerisaapput, europamilu nunanit arlaqartunit atugaallutik. Aqqut taanna ilanngullugu inassutigineqarpoq nunat tamaat kattuffissuinit, soorlu FN-imit, Eurostat-imit aamma OECD-mit. Tamatuma ammaappai iluaqutissat arlaqartut, matumanissaaq suliffeqarfinnik sanilliussisarneq pitsanngorsaannissamik siunertaqartoq, tamatumalu Kalaallit Nunaat periarfissaqartippaa takornariartitsinnermi inissisimaffissaminik pitsanngorsaasinnaanngorlugu, takornariartartunut niuerfiusumi nunarsuarmi tamarmi. Ilutigisaanik periusissialiorluni pilersaarusiornerup ilalersorpaa takornariartitsinnermik ineriartortitsineq, siuarsaavigalugu aningaasarsiornikkut pitsaasumik ingerlatsisoqarnissaa, aamma inuiaqatigiit eqqarsaatigalugit patajaatsumik aammalu kisitsisinik paasissutissanik sanilliussisinnaanngorlugu.

Suliniut 8 - AirBnB -mik inatsisiliorneq (inissianik sivikitsumik attartortitsisarneq)

Takornariartut pisariaqartippaat pissanganartunik pilerinartunillu unnuiffissaqarnissartik, unnuisarfinni namminerni aammali namminersortut (inuinnaat) attartortitsisarnerisigut, ilaatigut assersuutigalugu AirBnB atorlugu, takkua nunami tikeraartuugaangamik. Takornariartut toqqartarpaat amerlasuutigut inuinnarni angerlarsimaffimmi unnuinissaaq, sulinngiffeqarnertik misigisaqarfigiumallugu. Inuinnaat attartortitsisarnerat isertitsissutissatsialaasinnaavoq innuttaasunik amerlasuuni, - minnerunngitsumik attartortitsisartut quppersagaasigut – aqunneqartunik. Nunat assigiinngitsut arlaqartut pissusissamisuunngitsunik misigisaqarfigisarpaat, ilaatigut suliffeqarfinnit namminersortunit aqunneqartumik aaqqissuussinernik iluaquteqarniarnerit, inissianik attartortitsisarnerit eqqarsaatigalugit, tamannalu pitsaanngitsunik misigisaqaarfiusarpoq sunniuteqartarlunilu, najukkani innutaasut “pinngitsaalineqarlutillusooq” illoqarfiit pilerinarnissaanni aaqqissuussisoqartarsimaneri.

Misilittakkallu tunngavigalugit pissusissamisoortutut isigineqarpoq malittarisassiortoqarnissaa, erseqqissaasunik akinik aamma sivisussutisunik inissianik attartortitsisinnaanermut atatillugu. Ilanngullugulu qularnaarneqassaaq paasissutissat aamma unnuisitsisarnerit amerlassusaat, tikeraat

qassit pineqarnersut, allatigullu paasissutissat naleqquttut, kiisalu akitsuutsit nalunaarsorneqartarnissaat oqartussanullu eqqortunut akiligassat akilernerqartarnissaat.

4.2. Tikisitsisartunik aaqqissuussineq

Ullumi allaat takornariartartut ugartortarpaat ullutsinnut naleqqunnerusunik tikisitsisarneq. Naak nunarput amerlasuutigut angallavigissallugu akisuujugaluartoq misissuinerit takutissimavaat takornariartut akiliiumassuseqartut ilassutitut, atortulersuutit ullutsinnut sulit naleqqunnerusut piuppata. Naalakkersuisut kissaatigaat tapersersorneqassasoq tikisitsisarfiit pitsanngorsarneqarnissaat takornariartarumaartunut.

Angalaneq aamma assartuisarneq

Naatsorsuutigineqarpoq angalasseriaatsip allannguuteqarnissaa, tikeraat amerlanerusut nunamut tikittalissammata. Naatsorsuutigineqarpoq amerlanerusunik allaanerusunillu nunami motorilinnik angallassissuteqalernissaa, illoqarfinni aamma nunaqarfinni, kiisalu angalariaartsit najugaqavissuniit allaanerusut atorineqarnissaat. Takornariartut ilisimareertarnavianngilaat maani pissusiusut nalorninaatillu. Tamatumani ilaatigut atuuppoq aqquernit nalunaaqutsersugaannginneri. Tassaniippoq suliaasaq qularnaariniaarnermi, aqquernit qanoq aaqqissuussaanaa aamma angalanermi malittarisassat takornariartunit paasineqarsinnaasut. Aqquernit aamma sanaartukkat aamma aserfallatsaaliineq kommunit ataanniipput. Suliaasaqarfiit soorlu attaveqaasersuutit qularnaarneqassapput, kommunit malittarisassaqaarnissaat aqquernit illernillu aaqqissuunneqarnerannut aamma ingerlannerannut, qularnaarisumik aqqusinernik illinernilu atuinerup paasiuminartuunissaanik qularnaatsuunissaannillu. Ilanngullugu pissusissamisuussaaq Naalakkersuisoqarfiup suliamut akisussaasup Angalasunik Aqutsisoqarfimmik aamma assartuinermi ministeriaqarfimmik oqaloqateqassasut, qularnaarumallugit isumannaatsunik malittarisassaqaarnissaq, sapinngisamik nunani allani angallannermut malittarisassat assigisaannik, paasiuminartuusunillu takornariartunut.

Naatsorsuutigisariaqarpoq takornariarnermik inuussutissarsiortut amerlasuut pinngortitami angalasarnissaat. Takornariartut amerlanerit misilittagaqarnavianngillat imaatigut maani angalanermik aammalu maani qaqqani angalanermik, taamaasillunilu tassani suliaasaqarpoq, takornariartartut isumannaatsumik angalasinnaanerannik. Ilaatigut takornariartitsisartunik angalaqateqarnissamut periarfissaqartitsinikkut, sillimaniarnermik ilisimasaqareersunik. Ilaatigullu qularnaarlugu takornariartut pinngortitami angalasinnaanissaat namminneq, ilisimasaqareerlutik nalorninaatinik sillimaniarnermullu iliuutsinik, kiisalu periarfissaqarlutik inassutigineqartunik sillimaniarnermi atortunik pissarsisinnaaneramik. Pisariaqartitsisoqassaaq Imarsiornermut Aqutsisoqarfiup oqaloqatigineqarnissaanut, taakkua imaani sillimaniarnermut akisussaammata.

Takornariartut pisariaqartitsissapput najukkani angalanissamut illoqarfinni annerusuni periarfissanik. Matumani pineqarput taxa, bussit kiisalu biilini imaluunniit sukkilini attartortitsisarneq. Taxat aamma billit cykilillu attartorneqarsinnaasut eqqarsaatigalugit tassani apeqqutaassapput najukkani inuussutissarsiortut. Attaveqaasersuutit sammineqassapput Angallannermut Aqutsisoqarfimmik Angallannermullu

Ministeriaqarfimmik oqaloqateqarnissami, qularnaarumallugu naleqquttunik malittarisassaqaarnissaq taxa-nut aamma biilinik cykilinillu attartortitsinernut. Bus-inik ingerlatsineq kommunit ataanniippoq. Takornariartut pisariaqartitsisassapput sumiiffinnut assigiinngitsunut ingerlasarnissamik, piffissani najugaqartunut atuutinngitsuni. Bus-inik ingerlatsineq naammassisaqarfiunerpaamik angallasseriaasiuvoq, aqqusinernik iluaquteqarnermi atuisartunullu akiusut eqqarsaatigalugit. Takornariartunut atuussinnaaqqullugit pisariaqarpoq bus-inik ingerlatsinermi takornariat pisariaqartitsinerisa isiginiarneqaarnissaat. Attaveqaasersuutini oqartussat isumasioqatigiinnissani kommuni sammiumavaat najukkani namminermi pisortat assartuinerat eqqarsaatigalugu.

Attaveqaasersuutit aamma attaveqaasersuutit annikitsut sumiiffinni pingasuni UNESCO-qarfiusuni pingaartitani qaffasissumik inissisimapput, attaveqaasersuutit “nipilersoqataammata” avatangiisunut aamma kulturikkut kingornussanut, takornariartunullu periarfissaqartitsimmata sumiiffinnut tikeraarnissamut akornusiinngitsumik. Taamaattumik attaveqaasersuutini ingerlatsisut suleqatigissavaat kulturilerisut, avatangiisilerisut, kommunillu aamma UNESCO-qarfiusuni, attaveqaasersuutiniq inerisaanerni, sumiiffinni miarinerisassanik avatangiiseqartuni. Assersuutigalugu tassaasinnaapput tikisitsisarnermut atortorissaarutini, soorlu talittarfinni puttasuni, sillimaniarnermut atortulersuutini, perusuersartarfisigut, allagarsiussatigut il.il. Anguniagaavoq qularnaarneqassasoq, takornariatut isumannaatsumik aammalu qaffasissumik annertussusilimmik misigisassaqaarnissaat, Kalaallit Nunaannut tikeraarnermi UNESCO-qarfiusuni, ilutigisaanillu sumiiffinni atortulersuutit, avatangiisit, pinngortitap il.il. tikeraanit ajoquserneqaarnissamut illersorneqaarnissaat. Attaveqaasersuuteqarfiup aalajangersimasumik periaaseqartumik illuatungiusut oqaloqatigissavai, nalilersorlugulu Namminersorlutik Oqartussat akulerunneqaarsinnaanerit, - assersuutigalugu attaveqaasersuutitut aningaasaliissutit annikitsut allanngortinneqaarsimappata.

Umiarsualiviit takornariartitsinermi initupput, pissutigalugu amerlasuut takornariartarmata imaatigut, - umiarsuit atorlugit, kisianni aamma ulluinnarlutik angalasut, immikkut ittumik aaqquissuussinerit aamma ilaasunik angallassisarneq. Naalakkersuisut anguniagaraat nunatsinni umiarsualiviit tiguisinnaanissaat umiarsuarnik nassatanik assartuisunik, imarsiortunik kiffartuussinernik, matumanissaaq takornariartunik. Tamanna pisassaaq ineriartortitsineq siunnerfigalugu aammalu isumannaatsumik. Angallatit inissaat /umiarsuit inissaat, usingiaanermut aamma usilersornermut atortorissaarutit, tikeraat tikittarfii, illut uninngaarfiusinnaasut, atortulersuutit aamma kiffartuussiviit umiarsuarnut takornariartaatinut ilaasunik amerliartuinnartunik ilanngullugit sanaartukkani annertusaavigineqassapput, umiarsualivinnik ineriartortitsinernilu aamma. Tamatuma kinguneraa umiarsualiviit imminnut ingerlattueneri, aserfallatsaaliinermut aningaasartuutitsigut, ingerlatsivinnikkut, nutarterinikkut immaqalu aamma umiarsualiviit allilerneqartarnerisigut. Nalorniarpoq nunatsinni umiarsualiviit siunissami suliassat pineqartut isumagisarsinnaaneraat, attaveqaasersuutit nutaanngiliartuaarnerat eqqarsaatigalugu, aammalu aserfallatsaaliinikkut umiarsualivinni kinguartoorutit eqqarsaatigalugit. Aserfallatsaaliinikkut kinguartoorutit Namminersorlutik Oqartussat umiarsualiviini 2021-imi nalilerneqarput 270 mio. kr.-inik

annertussuseqartutut. Taamaattumik erseqqissaatigineqarsimavoq pisariaqartitsisoqartoq nutaamik eqqarsarnermik nunatsinni umiarsualivinnik ingerlatsinermi. Pisariaqartinneqarpoq periusissiaq eqqussisusaaq atuisut akiliuteqartarnerannik umiarsualivinni annerni, aningaasartuutitigut naammassisaqarfiusumik ingerlatsisoqarsinnaaqqullugu, aningaasat atugassat annikinnerulersinneqarsinnaaqqullugit pissusissamisoornerusumik ingerlatsisoqarneratigut. Tamanna assersuutigalugu takuneqarsinnaavoq Nuummi, tassani Sikuki Nuuk – Nuup umiarsualivia aningaasarsiutitut ingerlanneqarmat. Tamatumani ilaavoq ilaasortaanermut akiliuteqartarnermik aaqquissuussineq, takornariartitsinermik inuussutissarsiortunut qularnaarisumik tikeraat tikisinnissaannut inissaqassasoq. Tamatumani piimasaqaataavoq takornariartitsisartut pineqartut umiarsualivimmik atuisutut akiliuteqartarnerat.

Kiffartuussinermik isumaqatigiissutit angalasunik assartuinerneq isumaqatigiissutaavoq 2031-ip tungaanut, atugassarititaasut allannguuteqassammata Qaqortumi timmisartunut mittarfiup ammarneqarneratigut 2025/2026. Taamaallaat ilanngunnagu Arctic Umiaq Line A/S, tassunga isumaqatigiissut 2025-ip naanerani naassaa. Attaveqaasersuutit qularnaassavaat kiffartuussinermik isumaqatigiissutit Kalaallit Nunaata Kujataani naammassineqarsinnaanissaat, ilaasunik assartuineq eqqarsaatigalugu, najukkani namminerni aammali takornarianut atatillugu. Kiffartuussinermik isumaqatigiissutit isumaqatigiinniutigineqarnerini pissutsit arlaqartut ilaapput, naalakkersuinikkut isummernissanik imaqartut soqutigisaqartunut aalajangersimasunut tunngasut aamma aningaasatigut killiliussat pillugit. Tamatuma saniatigut soqutigisaqartunit naleqquttuniit paasissutissanik piniartoqartassaaq, matumani aamma kommunimiit tassanilu innuttaasuniit, kiisalu aamma Inatsisartut ataatsimiititaliannit susassaqartuniit. Suliassaq taanna Attaveqaqatigiinnermut oqartussanut sammivoq, pilersaarusiorneq aallartitsisarnerlu immikkoortumut pilersaarummik naammassinninniarluni.

Imaani sillimaniarneq

Geodatastyrelse-p naatsorsuutigaa naammassissallugu maanna ingerlanneqartoq imartat assinginiq suliaqartarneq 2026-imi. Isumaqatigiissummi pineqarput imartat assingi pappialanngukkat, tamatumalu kingornagut suliareqqillugit ENC-mut nuutat. ENC-mi imartat assingat tassaavoq elektroniskiusoq, atorineqarsinnaallunilu atorulersuutini elektroniskiusuni imaq assinginiq atuaassutitut, soorlu GPS-imik taaneqartartuni. Immaq assingi sanallugit nukinnik atuinarnerupput ENC-nut sanilliullugit. Suliniut annertuumik pingaartinneqartoq tassaavoq immaq assinginiq sanaartorneq takornariartitsinermut immikkoortumi pilersaarummi, aamma ENC-mik aallussisuusumi. Taamaasillutik paasissutissat sukanerusumik atuisartunut anngunneqarsinnaapput, - matumani aamma takornariartitsisartunut, periarfissaassaarluni immaq assinginiq amerlanerusunik sanaartorsinnaaneq nukiit taakkua atorlugit. Tamatuma sillimaniarneq ingerlatsisuusunut, najukkani namminerni aamma takornariartunut pisariaqartoq isumagissavaa.

Attaveqaasersuutit

Piffissami 2025-2035 Naalakkersuisut kissaatigaat ingerlateqqissallugit maanna aallartinneqareersut nutaat aamma pitsanngorsakkat nunatsinni timmisartut mittarfiit.

Attaveqatigiinnermi atortulersuutit pitsanngorsakkat pilersitsissapput nukittuumik tunngaviusussamik nunatsinni piujuaannartitsisumik ineriartortitsinerup ingerlaqqinnissaa. Takornariartitsinermut immikkoortumi pilersaarut aqutigalugu Naalakkersuisut kissaatigaat killiliussat sapinngisamik nukittorsaaviginissaat, nunarput piareersinnaaqqullugu tikeraanut amerlanerusunut, timmisartut mittarfiisa nutaat inerarnerat ilutigalugu.

Anguniagaavoq tikeraat ornittagaat aamma tikeraanik tiguisarfiit piareernissaat, pitsaassusilinnik misigisassaqaarnissamut, ilutigisaanillu patajaatsumik aningaasarsiornikkut najugaqarfiusuni tunngavissaqalersillugu. Tamanna pissaaq oqimaaqatigiissitsinikkut pinngortitamik kulturitsinnillu illersuinitinnik. Ilinniartitaaneq aamma piginnaasanik ineriartortitsineq takornariartitsinermi aamma takornariartitsinermut periusissiami pingaartinneqarput. Uagut inuiaqatigiittut pitsaanerpaamik piareersimassaagut takornariartartut amerliartornerannut, tamatumanilu ineriartornermut malinnaasumut. Ataatsimut takornariartitsinermut immikkoortumi pilersaarut qularnaarissaaq piujuaannartitsisumik ungasissumullu takornariartitsinermik ineriartortitsinissatsinnik.

Attaveqaasersuutini suliaasaqarfik takornariartitsinermi assut inituvoq, - aamma timmisartut mittarfiisa allilerneqarnerat. Assartuineq maani najugalinnik aammalu tikeraanik qularnaarneqassaaq, isiginiarneqassapput angalariaatitsinni allannguutaasut, takornariat angalaartarnerat aquneqassaaq. Tamatuma saniatigut kissaatigaarput takornariartartut siammartitserneqarnissaat, illoqarfinnit timmisartunut mittarfeqarfiusuniit nunamut tamarmut, pileqqunagu najukkani ataasiakkaani takornariaqarpallaalernissaa imaluunniit takornariaqartoqartannginnissaa.

Attaveqaasersuutinit suliniutit annertuumik imaqarput pitsaasumik sullissinermik, aserfallatsaaliinermik, sillimaniarnermik aamma naammassisinnaasat annertusarneqarnerannik, innuttaasunut namminernut aamma takornariartunut iluaqusiisunik. Matumani naatsorsuutigineqanngilaq malunnaatilinnik isertitaqarnerulernissaaq inuiaqatigiinnut, kisiannili annertunerujussuarmik aningaasaliissuteqarnissat assersuutigalugu timmisartut mittarfiinik allilerinernut aamma aserfallatsaaliinernut.

Ineqarnikkut unammilligassat

Sumiiffinni amerlasuuni ineqarneq ajornartorsiorfiuvoq, maani najugaqartunut inissanik pisariaqartitsineq eqqarsaatigalugu, aammalu takornariartitsinermik inuussutissarsiortut pisariaqartitsinerat eqqarsaatigalugu, takornariarnermik inuussutissarsiortunut sulisorisanut inissianik. Inissaqartitsineq qitiusumik inissisimavoq ineriartornitsinni aamma innuttaasut atugarissaarneranni. Ineqarneq ingerlalluortoq pilersitsisarpoq inuunermik peqqinnarlunilu inuulluarnartumik aamma inooqatigiinneq innuttaasuni tamani eqqarsaatigalugu.

Takornariat pisariaqartitsinerat soqutiginnartunik pilerinartunillu unnuiffissaqarnermiippoq, akunnittarfinni aammali inuinnarni unnuiffissanik attartortitsisartuni AirBnB-itut ittuni, nunatsinnut tikeraat eqqarsaatigalugit.

Naammassineqarsinnaasunik misissuinnermit Visit Greenland-imit Nuummi 2023-imi ingerlanneqartumit inerneruvoq Nuuk ininik september 2027-imiit amigaaateqalissasoq, ininik amerlanerusunik sanaartortoqanngippat, 2024-imiit pisariaqartinneqartunik atorneqarsinnaasutut.

Nuummi piffissat ilaanni misiginartarpoq unnuisarfiit ulikkaartooqqanerat. Unnuisarnerit pillugit 2023-imi kisitsisit paasissutissat takutippaat septemperi qaammataasoq “aasaaneratut” qaffasinnerpaamik unnuiffiusartoq, 72,6 % -it assigisaannik.

Suliffeqarfinnik nutaanik sanaartortoqaraangat (akunnittarfiit, neriniartarfiit, pisiniarfiit, il.il.), ilitigisaanik pisariaqartitsisoqalertarpoq inissianik suliffissanut nutaanut pilersinneqartunut. Aningaasaliisartut pinngitsaalineqartarput aamma inissianik sanaartornissamut, tamannalu akornutaasinnaavoq takornariartitsinerup ineriartortinneqarneranut, piffissaq pilersitsiortorfiusoq sivitsorneqartarmat aammalu akitsorsarneqarluni.

Takornariartut amerlasuutigut inuinnaat illuini najugaqarumasarput, sulinngiffeqarneq allatut misigerusullugu. Namminersortut ininik attartortitsisartut attartortitsinertik isaatitsissutigilluarsinnaasarpaat, kisianni pisariaqarpoq piffissami sivikitsumi attartortitsisarneq inissianik, - minnerunngitsumik quppersakkatigut attartortitsisartunut, aqunneqartunut innuttaasut inissaqarniarnermikkut kingulliunneqaleqqunagit.

Inatsisiliorneq inissianik piffissami sivikitsumi attartortitsisarneq pillugu suliarineqassaaq, peqataasussaq inissaqartitsinerup aqunneqarnerani, sulinngiffeqartunut inissiat amerlaneruleqqunagit. Siulliullugit innuttaasut inissaat qularnaarneqaaqaassapput.

Kulturi aamma takornariartitsineq

Kulturi takornariartitsinermik ineriartortitsinermi qitiusumik inissisimavoq, pingaaruteqartut ilagigamikku, nunatsinnullu tikeraartarnermut pissutaasut ilagalugu. Kulturi taaguutaavoq oqaluttuarisaanermut aamma nalinginnaasumik eqqumiitsuliornermut, nerisanut, nipilersukkanut, najukkani pisartunut aamma inooriaatsimut. Nunarsuatsinni imminut qanilligaluttuinnartumi, angalasut immikkut ittunik misigisassarsiorfigisaanni, kulturi pingaaruteqarpoq, assigiinnginnitsinnut ornittakkani.

Kulturikkut neqeroorutit aqqutigalugit takornariartarneq aningaasanik annertunerulersitsisinnaaginnarani, kisiannili aamma paasinninneq aamma ataqqinninneq najukkami kulturimut pilersittarpaa. Kulturikkut nukittuunik ilisarnaateqarneq pilersinneqartarpoq, angalaffigissallugu soqutiginninneq, suliffissat pilersinneqartarput aammalu piujuaannartitsisumik takornariartarneq, ilutigisaanillu najukkani namminerni ileqqutoqqat naleqartitallu pigiinnarneqartarlutik.

Oqaluttuarneq aamma ingerlatsineq uagut kulturitsinnik nutartigassaapput, innuttaasut akulerunnerisigut takornariartitsisut peqatigalugit, nutaanik saqqummeeriaatsinik pilersitsiumalluni, kulturitta immikkuullarissup nioqqutiginerani. Inunnut ataasiakkaanut

piuminarnerusariaqarpoq kulturitta oqaluttuarinissaa. Amerlavallaarput isertitatigut, inuussutissanut malittarisassatigut aammalu nioqquteqarniarnermi aporfissat, peqataaniarnermik ajornarnersitsitsisut. Taamaattumik iluatsittumik aningaasarsiassat minnerpaaffissaannik piuminarnerusunillu aaqqissuussisoqartariaqarpoq, inuinnaat qiimmassarumallugit kulturitsinnik immikkuullarissumik saqqummiussuisinnaanermut.

Greenland Visitor Center – Kalaallit Nunaanni tikeraat qitiusumik ornittagaannik aaqqissuussineq aamma suliniut nunatsinni takujuminartut pillugit, isumaliutigeqqittariaqarput, immaq katersugaasiviit peqatigalugit. Suleqatigiinnik pilersitsisoqassaaq siunnerfeqartinneqartussanik aaqqiissutissanik nutaanik pitsaasunillu siunnersuuteqarnissamut, kulturitta oqaluttuareqqittarnerani.

Aallartitsisoqassaaq aaqqissuussamik oqaloqateqartitsinernik aammalu suleqatigiissitanik pilersitsisoqassasoq soqutigisaqartunit sinniisoqartumik, aaqqissuussisussamik suliasat agguataarneqarnissaannik piareersaasussamik qanoq aaqqissuussinikkut piujuaannartitsisumik kulturikkut misigisassaqaartitsisoqassanersoq, nukittorsarneqarsinnaasumik kommunit namminersortullu ingerlatsisut akornanni.

Takornariartitsinerup ilalersussavaa kulturi akornusersornaguli, ilutigisaanillu kulturip inuunera aningasalersussallugu. Eqqumiitsuliortut arlaqartut aningaasaateqarfiit aningaasaliissutaannaannik isumalluuteqarput, imaluunniit aalajangersimasumik suliffeqarlutik, takornariartitsinerlu periarfissaasinnaavoq annerusumik eqqumiitsuliat inuussutiginnissaannut. Tamatumalu saniatigut ajornartorsiutigisarpaat aningaasaliisussaqaarnissartik, aningaasarsiutaasinnaasunik suliniuteqassagaangamik. Periarfissaq ataaseq eqqumiitsuliortut taakkua aqutigisinnaasaat tassaavoq Eqqumiitsuliornermik Aningaasaateqarfik aningaasalersuisussatut. Kisianni tamanna ajornartorsiutitaqarpoq, eqqumiitsuliornermut aningaasaateqarfimmit aningaasaliiffigineqanngikkunik, suliniut aningaasarsiutigalugu ingerlatassaappat, aammalu Nalik Ventures-imit aningaasaliiffigineqanngikkunik, kulturimut tunngasumik suliniutaammat. Qularnaarisoqassaaq aningaasaliissutissanik amerlanerusunik ineriartortitsinernut, aningaasarsiutigalugu ingerlatsinissanut, kulturikkut suliniutini, aamma suliniutini allani, immikkoortunik aningaasaliissutissanik allanik pilersitsinikkut. Suliniutit ataqatigiissaarneqassapput Inuussutissarsiorneq aamma Aningaasaqarnermik Akileraartarnermillu oqartussat peqatigalugit.

Takornariartitsineq annertuumik iluaqutigineqarsinnaavoq kulturikkut inuunerup aningaasalersornerani, kisianni tamatumani piumasaavoq eqqumiitsuliortut arlaqartut takornariartitsinermi ingerlatsinerat, kiisalu aamma siammasinnerusunik isiginnartussaqaarnissaat. Kulturikkut ingerlatsivinnut aamma isumaqarsinnaavoq takornariartartunut saaffiginninnerusinnaaneq, ujartuineq annertoreermat.

Suleqateqartoqassaaq UNESCO -qarfinnik pingaartinneqassaarlu ilinniartitaaneq immikkut takornariartitsisartunik, UNESCO-qarfiusunut angallassisartunik. Tamanna pissaaq

Ilinniartitaanermut ingerlatsivik aqqutigalugu taanna isumasiortagaassammat, ataqatigiissaarisuussallunilu ilinniartitaanerni neqeroorutitut.

Takornariartitsinermut akuersissuteqartarnermut inatsisiliorneq iluarsiivigineqassaaq suliassa qarfirmi inuussutissarsiortut peqatigalugit, akuersissuteqarfiusartut agguanneqartarsinnaaqqullugit imaluunniit allnit tiguneqartarsinnaaqqullugit akiliuteqartitsilluni piniartitsinermut akuersissuteqanngitsunit sumiiffinnut aalajangersimasunut. Qularnaarneqassaaq sumiiffiit akuersissuteqarfiusut aningaasarsiorneq annertunerpaamik iluaqutigineqartarnissaat, takornariartitsinermik ingerlatsivinnit piginnaasanik pisariaqartinneqartunik peqartunit, qularnaarlugulu qaffasissumik pitsaassuseqarnissaa ileqqorissaarneq uumasullu illersorneqarnerat.

Suliassa qarfik taanna ilalersorneqassaaq tigussaasunit suliniutin 25-iniit, tulluuttullu pingaarnertut aallunneqassapput qaffasissumik piviusunngortikkumallugit:

Suliniut 9 - Umiarsualiviit attaveqaasersuutaannik pitsanngorsaaneq

Umiarsualiviit takornariartitsinermik ingerlatsisuni initupput, pissutigalugu takornariartitsinikkut ingerlatat amerlasuut imaatigut pisarnerat – umiarsuartigut takornariartaatitsigut, - kisiannili aamma ulluinnarluni angalaarnerit, immikkut ingerlatat aamma ilaasunik assartuinerit. Umiarsualiviit tikisissinnaassavaat aallartissinnaallugillu nassiussat, imarsiortut sullillugit, matumanissaaq takornariartut. Tamanna pisassaaq ineriartortitsineq isiginiaatigalugu, isumannaatsumillu ingerlanneqassalluni. Tamatuma kinguneraa umiarsualiviit imminnut napatsittuunissaat, aningaasartuutitsik akilersinnaassallugit, aserfallatsaaliisinnaassallutik, ingerlatsisinnaassallutik, nutarterisinnaassallutik, immaqalu allilerisinnaallutik umiarsualivinnik pineqartunik. Soorunami pisariaqartinneqarpoq nutaaliornermik eqqarsarneq, ingerlatsinermi nunatsinni umiarsualivinnik. Periusissiamik pisariaqartitsisoqarpoq, atuisut akiliuteqartinneqartarnerannik ilisarititsiviusumik umiarsualivinni annerusuni, aningaasartuutit isiginiarlugit ingerlatsisoqarsinnaaqqullugu, amigartoorutit annikillisinneqarsinnaaqqullugit, umiarsualiviillu siunissami siunertaasutut ingerlasinnaaqqullugit.

Suliniut 10 – Annikitsutigut atortorissaaruteqarnerup nukittorsarneqarnera

Kommunit suli ingerlaqqittumik annikitsunik aningaasaliissutissanut aningaasaliissutissaminnik qinnuteqarsinnaassapput. Tassaasinnaapput aningaasaliissutissat attaveqaasersuutini pitsanngorsaaneq, aallartarfiit pinngortitami misigisassanut imaluunniit atortulersuutit ajornannginnerulersitsisut takornariartitsisartunut mikisunut aammali angisuunut takornariartitsinerup ineriartortinneranik pitsaasumik aqqissuussinissanut.

Suliniut 21 – Kiffartuussinermik isumaqatigiissutit aamma ilaasunik angallassineq

Kiffartuussinermik isumaqatigiissutit ilaasunik angallassinermoorutut isumaqatigiissutaapput 2031- ip tungaanut, Kalaallit Nunaani Kujataa eqqaassanngikkaanni, tassani atugassarititaasut

allannguuteqassammata Qaortumi Timmisartut mittarfittaavata atulernissaani 2025/2026-imi. Qularnaarneqassaaq kiffartuussinermik isumaqatigiissutit tamakkiisuunissaat assartuinissamillu pisariaqartitsinermut naapertuuttuunissaat, taamalu takornariartut pitsaasunik naammassisaqarfiutillugit aammalu akuttoqatigiissaakkanik najugallit angallanneqartillugit.

suliniut 23 – Timmisartut mittarfiisa nutarterneqarnerat

Piffissami 2025-2035 -imi Naalakkersuisut kissaatigaat ingerlateqqinneqarnissaat sanaartukkat allartinneqareersut nunatsinni nutaanik timmisartunut mittarfiliortitsernerit aamma timmisartut mittarfiinik pitsanngorsaanerit. Attaveqaasersuutit pitsanngorsakkat pilersitsissapput tunngavissanik nukittuunik nunatsinnut takornariartartut annertuseqqinnissaannut, ilalersuissallutillu inuussutissarsiutit immikkoortuata tamatuma piujuaannartitsisumik tunngavilimmik ingerlanneqarnissaanut. Takornariartitsinermik immikkoortumut pilersaarut aqutugalugu Naalakkersuisut kissaatigaat qularnaarneqarnissaat killiliussat tamakkiisut, nunarput piareersimasinnaaqqullugu tikeraanik amerlanerusunik tikisitsisalernissamut, timmisartut mittarfiisa inaarsarneqarnerat ilutigalugu aaqqissuussaasunik.


Suliniut 29 – Inissianut periusissiaq takornariartartut pisariaqartitaannut

Sumiiffinni amerlasuuni inissiat aserfallassimapput, najugaqavissut pisariaqartitsinerat aamma takornariarnermik inuussutissarsiortut sulisussaminnut pisariaqartitsinerat eqqarsaatigalugit. Inissiaqarnikkut aaqqissuussineq annertuumik nipilersoqataavoq ineriartortitsinitsinni innuttaasullu atugarissaarneranni. Inissiatigut aaqqissuussineq aaqqissuulluagaasoq ingerlalluarterlu qularnaarissapput inuunermi naleqartitanik pitsaassutsinullu aamma isumaginninneq eqqarsaatigalugu innutaasunut tamanut.

4.3. Suli aammalu piginnaasanik ineriartortitsineq

Visit Greenland-imit nalunaarusiaq 2023-imeersoq naapertorlugu taaneqartoq *Kalaallit Nunaanni takornariartitsisarnernup aningaasarsiornermut sunniutai*, nunanit allaniit takornariartarnermi suliffiit toqqaannartut **1075** takornariartitsinermiipput. Uani ataaniittumi ilusiliami takuneqarsinnaavoq sulisoqarnikkut sunniutaasut agguataarnerat, nunanit allaniit takornariartartut aningaasartuutitut assigiinngitsunut agguataarlugit³.

Samlet direkte beskæftigelseseffekt fra udenlandsk turisme, fordelt på udgiftstype, 2023, antal skabte arbejdspladser



(Overskrift)	(Qulequtaq)
Samlet direkte beskæftigelseseffekt fra udenlandsk turisme, fordelt på udgiftstype, 2023, antal skabte arbejdspladser	Ataatsimut sulisoqarnikkut sunniutaasut nunanit allaniit takornariartarnerneersut, aningaasartuutitut agguataarlugit, 2023-imi, suliffiit pilersinneqartut amerlassusaat
Ekspeditions krydstogtturisme	Ilisimatusaatigalugu umiarsuanik takornariartut
Konventionel krydstogtturisme	Nalinginnaasumik umiarsuarnik takornariartut
Flyturisme	Timmisartumik takornariartut
Dagligvarer og handel	nioqqutissat ulluinnarsiutit aamma niuerneq
Overnatninger og restauranter	Unnuisarnerit aamma neriniartarfiit
Fly og andet transport	Timmisartut assartuutillu allat
Oplevelser og andet	Misigisassat aamma allat
Operatør	Aaqqissuisoq
Samlet	Ataatsimut

Ukiut kingulliit takornariartitsinermi annertusiartorneq misigineqarpoq, inuussutissarsiutit arlaqartut allat peqatigalugit sulisussanik amigaateqartoqarpoq. Annertusiartornissatut naatsorsuutigisat ilutigalugit sulisussanik amigaateqarneq suli annertunerulissaaq.

Pisariaqarpoq suli amerlanerusut takornariartitsinermi suliffeqalernissaat, inuussutissarsiummi pisariaqartitsineq naammassisinnaajumallugu, tikeraanik kiffartuussineq nunatsinnut tikeraartunik. Siunnerfilersukkamik suliniuteqartoqanngippat inissisimalissaagut nukiit pisariaqartitagit piginagit, suliassanut pisariaqartunut, takornariartitsinerup annertunerulersup kingunerisassanut.

³ FINAL_Aningaasarsiornerup sunniutai – nunanit allaniit takornariartartut Kalaallit Nunaanni pdf (tourismstat.gl)

Kisitsisit Kalaallit Nunaanni Sulisitsisut nalunaarusiaanneersut *Suliffeqarnerup nalilersuivigineqarnera 2022*⁴ amigaataapput sulisinnaasut 1100 -ut missaat inuussutissarsiutini, aammalu suliamik ilinniarsimasunik pisariaqartitsineq suli annertusiartussalluni ukiuni aggersuni tulliuuttuni. Kiisalu nalilersuineri akissuteqartut amerlanerusut oqaluttuarpot pingaarnertut amigaatigineqartut sulisussat piffissami april-imiit septemberimut amigaataasartut, piffissami takornariartut takkusimaarfigisartagaanni.

Ilinniarsimasunik sulisussanik amigaateqarneq takornariartitsinermiittoq unammilligassatta ilagaat siulliullugu aaqqiissutissarsisariaqagarput. Takornariartitsinermik inuussutissarsiutini amigaataapput takornariartitsisartut - guidit – immikkoortunut minnernut allagartaqartut, assersuutigalugu sermimi majuartarneq aamma qaqqaniit sisorartarnermi. Aamma ujartorneqarput sulisussat aqutsisut suliffeqarfinni aamma pisortani.

Takornariartitsinermik inuussutissarsiutinut ilinniakkamik ingerlatsigaanni, pilerinartuussapput ukioq naallugu suliffissat nutaamik ilinniarsimasunut piareersimanissaat. Taamaattumik pisariaqarpoq anguniassallugu takornariartitsisarnerup ukioq kaajallallugu inuussutissarsiutinngortinniarnissaa. Suliniutit piffissap takornariarfiusartup talliartortinneqarneranik imaqtup naammassinissaa uaneerarsuarmiinnigilaq, pisariaqassaarlu aaqqiissutissanik eqqarsaatigilluakkanik aaqqiissuteqarnissaq, sulisut nunatsinni pigiinnassagutsigit. Immaqa paarlaasseqatigiittarnernik nunat ilaannut isumaqatigiissuteqartoqarsinnaasoq kujasinnerusumeersunut nunarsuatsinni, neqeroorfigineqarsinnaasunut ulapiffiunnginnerusumi sulisussatut.

Sulisussaqaarniarnerput nammeneq naammassinnaannginnatsigu, suliffeqarfiit pisariaqartippaat nunanit allaniit sulisussarsiorarnissaq. Fast-track -imik aaqqiissuussinermik taaneqartartoq⁵ pilerinartuuvooq, maannakkorluinnarlu sulisussaaleqinermik qaangiisitsisinnaalluni. Aaqqiissuussinerup isumannaartarpaa ingerlaavartumillu ineriartortillugu pisariaqartunik nunanit allaneersunik sulisussaqaarniarneq. Ilaaqusiisumik nunat saniligit isiginnaarneqarsinnaapput, sulisussanik sulinngitsunik peqarnerut, soqutiginnissinnaasunik takornariartitsinermi sulissallutik.

Inuusuttoqarpoq ataatsimoortunik maani inuiaqatigiinni, suliffeqanngitsunik imaluunniit ilinniakkamik ingerlatsinngitsunik. Ilaaqutaasumik iliuusissanut pilersarusiortoqarsinnaavoq inuusuttut taakkua takornariartitsinermi sulilersikkumallugit.

Taamaattumik misissorneqassaaq qanoq inuusuttunik sullissineq – ilinniagaqanngitsunik imaluunniit suliffeqanngitsunik – sulineq takornariartitsinermut atassuserneqarsinnaanersoq. Assersuutigalugu kulturip immikkut aallunneratigut ulloq tamaat suliffittut takornariartitsinermik kiffartuussivittut imaluunniit pinngortitap suliffigineratigut.

Anguniagaavoq ineriartortitsineq isigisanik taakkunanga inuusuttut suliffeqalernissaannut soqutiginnilersinneqarsinnaanerat, nuannersuummut pissarsiaqarnarmallu nalinginnaasumillu ilinniagaqarnertut suliffeqarnertullu igani.

⁴ [https://sulisitsisut.gl/nutaarsiasat/suliffeqarnermik nalilersuineq-2022/](https://sulisitsisut.gl/nutaarsiasat/suliffeqarnermik%20nalilersuineq-2022/)

⁵ Sullissineq sukkasooq nunanit allanit sulisussarsiornermi

Misissuisoqassaaq piginnaasanik piumaneqartunik, suliffissuaqarnermi sulisussanik amigaateqarnermik, ilinniaqqinnissamut pisariaqartitsinerinik kiisalu pisariaqartitsinerit qanoq nunap immikkoortuini agguataarnersut, tunngaviusinnaasutut ineriartortitseqqinnissamik ilinniartitaanertigut aamma nunami sumiiffini suleqatigiinnikkut ilinniartitaanertigut neqerooruteqarsinnaaneq eqqarsaatigalugit. Nalilersuinerit malitseqartinneqassapput ilinniartitaanertigut pikkorissartarnertigullu neqeroorutininik assersuutigalugu PKU-mik ingerlatsisarnertut ittunik.

Naalakkersuisut kissaatigaat ilitersuisarnermik suliniutit malinnaatinneqarnissaat, tassa nutarterneqarnissaat ilinniartitaanernut suliffissanullu sammisut eqqarsaatigalugit, siuliani allaaserineqartut aqutissiuinerit aallaavigalugit. Ersarissunik akisussaaffiit agguataarneqassapput, ilitersuisarnermi meeqqat atuarfianni aamma ilitersuisarnermi Majoriami, aamma ersarissisitsisunik periarfissanik taartaasinnaasunik imaluunniit immikkut ittunik ilinniartitaanernik suliffissarsiorsinnaanernillu, takornariartitsiviit neqeroorutigisinnaasaannik. Suussusilersuisoqarsimavoq pisariaqartitsinerinik annertusisamik ilisimasaqarnissamik innuttaasuniittumik aamma ilinniartitaanernik ingerlatsivinniittumik, piginnaasat qanoq ittut takornariartitsinerinik ujartorneqarnersut ilinniartitaanerni pikkorissartitsinerinilu maanna neqeroorutigineqartanngitsut. Naalakkersuisut kissaatigaat aamma ilinniartitaanerit qaffasissusiat nukittorsarneqassasoq takornariartitsinerinik suliassaqarfimmut sammisuni, sapinngisamik annertunerpaamik maani najugallit suliffeqarsinnaaqullugit takornariartitsinerup ineriartortitaanerani annertusiartortitaanerani. Tulliullugulu naatsorsuutigineqarpoq takornariartartuniit misigisassat uppersassusiat annertoq, tikeraat nunatsinnut angisuumut angalagaangata piussasoq. Taamaattumik pingaaruteqarpoq maani najugaqartut amerlasuut ilinniagaqarsimanissaat takornariartitsinerinik “naajartuaartumut” atasumik. Tamanna uppersaataavoq pitsaanerpaq takornariartitsinerinik qaffasissusilimmik kiffartuussisinnaanitsinnut.

Taamaattumik pingaartuuvuq takornariartitsinerinik ingerlatsisunngorumaartut alapernaannerat periarfissaallu naapigiartassagigut piumasaqaateqarata nuunnissaannik, takornariartitsinerinik pikkorissarumagunik imaluunniit ilinniagaqarumagunik. Tamanna angusinnaavarput nalilersuinitigut neqeroorutitsinnillu malinnaatitsinitigut siammasissumik takornariartitsinerinik ilinniartitaanernik, najukkani takornariartarfiusuini. Tassani ilinniartitaanernik ingerlatsisut suleqataassapput pingaaruteqartut.

Sulisussat ilinniarluarsimasut qitiulluinnarput qularnaarumagutsigu takornariat misigisaasa pitsaassuseqarnissaat. Nunarsuarput imminut qanilligaluttuinnartoq – milligaluttuinnartoq aamma takornariartitsinerinik unammillerneq eqqarsaatigalugit pisariaqarpoq piginnaasanik nutarteriuarnissaq, immikkoortumi tassani sulisuni, kiisalu aamma tassani sulerusuttuni. Tamanna kinguneqarsinnaavoq fagitigut ilinniarsimanerup aamma ilinniaqqittarnerup tungaatigut, taamalu sulisuusut teknolugiimik nutaamik passusisinnaallutik, sullitanik qaffasissumik kiffartuussisinnaallutik aamma piujuaannartitsineq eqqarsaatigalugu.

Siunnerfilersorluakkamik suliniuteqarneq ilinniartitaanerni pilersaarutit ineriartortikkumallugit takornariartitsineq immikkut aallullugu peqataasinnaavoq

inuussutissarsiummi sulisussat amerlanerulernissaannut, sulisussat piginnaanngorsarsimammata, piginnaasallu nutaat nunanit tamalaaneersut siunissamut piumasaqaataannut naapertuummata.

Takornariartitsinermik pilersaarusiornermi ilinniartitaanerit ilaatinneqarnerat taamaattumik pisariaqaannanngilaq unammillersinnaassuseqarput nukittorsarumallugu, kisiannili aamma piujuaannartitsiumik ineriartortitsiumalluta, sulii amerlanerusut suliffissanut aqutissiuullugit inuussutissarsiutissaannullu periarfissillugit, inuussutissarsiummi ineriartorfiusumi.

Aallaavigalugu Ilinniartitaanernut Periusissiaq 2024-2030 ilinniartitaanermut ingerlatsiviup pingaartikkumavai suliniutit piginnaasatigut tunngavissisussat tapersersuinissamut takornariartitsinermik ineriartortitsinermi, minnerunngitsumik ukiuni maanna aggersuni ineriartornissamut naatsorsuutigisagut eqqarsaatigalugit. Ilinniartitaanerit aamma ilinniartitaanerni pilersaarutit taamaattumik tikeraaqqinneqassapput, aamma oqaloqatigiittoqassaaq soqutigisaqartunik naleqquttunik takornariartitsinermi ilinniartitaanerit nalilersoqqikkumallugit.

Tikeraaqqillugit aamma isumaliutigeqqillugit imaluunniit isumaliutigalugu periarfissaq aallarteqqinnissaannut ilinniartitaanermi suliniutit iluatsissimasut takornariartitsinermi siusinnerusukkut ingerlanneqarsimasut, ilaatigut matumani Outfitteritut ilinniartitaaneq, Introkursusi innuttaasunut illoqarfinni minnerneersunut saaffiginnittut, matumani ilaatigut eqqaaneqareersut Outfitteritut ilinniartitaaneq, ("Takornariartut aamma illit") kiisalu periarfissat siammasissumik aaqqissuussisinnaanernik, immaqa ikiorteqarluni.

Ilinniartitaanerit aaqqissuussaananerannik allannguineq imaluunniit ilinniartitaanerit nutaat nalilersuinerit kingunerisaannik, piginnaasat ugartorneqartut aamma qaffasissumik ilinniartitaanerit pineqartumut suliffeqarnermut pilersinneqassapput. Pilersaarummik ineriartortitsisoqassaaq takornariartitsinermi ilinniartitaanerit aamma pikkorissartitsisarnerit eqqarsaatigalugit, iluaqutaasunik pilersinneqarsinnaasut, kiisalu nunatsinni sumiiffinni sumiinnissaannik. Assersuutissat arlaqarput inuusuttut nunanut allanut aallarnissamut pinngitsaalisaasartut ilinniagaqarumallutik, tamannalu pilersitsisarpoq sulisussat taakkua annaasinnaaneranik. Tamatuma saniatigut taakkua piginnaasaat kalaallit aaqqissuussinerannut atasuusanngillat, ilinniartitaanerillu iluaqusiisumik najukkani pilersinneqarsinnaallutik.

Suliassa qarfimmik ingerlatsisut nutaat kisermaassillutik ingerlatsisuusarsimapput, maannalu misigalugu ajornakusoortoq imaluunniit assut ajornartoq taapiissutissanik piniarsinnaaneq najugalinnik ilinniartitsiniarnermi, suliffimmik ineriartortitsiumasunik, assersuutigalugu tapiissutit timmisartortartutut helikopterinek ingerlatsisartutut ilinniagaqarniarnermi. Periarfissaasariaqarpoq inuussutissarsiutini arlaqartuni takornariartitsinermik ingerlatsiviusuni ilinniagaqarsinnaaneq.

Nunanit allaneersut sulisussat, nunatsinni najugaqalersartut qularnaaruttariaqarput piginnaanngorsarfiusunik ilinniagaqarsinnaanermik, qularnaarisunik inuussutissarsiummik ingerlatsisinnaanermut, najugaqavissutut.

Ilinniartitaanerni suliniutissat amerlasuut ilaat tassaapput piginnaasanik qulaajaaneq piginnaasanillu pisariaqartinneqartunik tunniussinissamik siunnerfeqarneq, siunertaralugu pikkorissartitsisarneq aamma ilinniartitaanerni neqeroorutissat nunami namminermi. Tamanna isumaqarpoq immikkoortumut pilersaarut uaniittoq piumasaqarmat pisortaniit ilinniartitaanernut aningaasartuutit amerlanerunissaannik, nalilersuinerit takutippassuk tamanna pisariaqartoq. Taamaattoq aamma naatsorsuutigineqarpoq ilinniartitaanerit aamma pikkorissartarnerit amerlanerusunut aqquutissiuussissasut takornariartitsinermi suliffissanut, suliffeqarfimmik pilersitsinissamut takornariartitsinermi, immaqalu akinik qaffasinnerusunik akiliuteqartitsisalersinnaaneq, piginnaasat qaffasinnerulersimanagerisigut, tamannalu nammineq pisortat isertitassaannik qaffasinnerusunik pilersitissaaq. Nalorninarpoq aningaasartuutit qaffasissusissaat aamma isertitassat qaffasissusissaat allanngorsinnaanersut ilinniartitaanermi suliniutinik pissuteqartunik.

Suliassa qarfik taanna ilalersorneqassaaq tigussaasunik suliniutinik 21-inik, tulluuttullu pingaarnertut aallunneqassapput aammalu qaffasissumik pingaartinneqarlutik pivisunngortinneqarnissamut.:

Suliniut 36 - Fast-track-imik aqqissuussineq sulisussanut nunanit allaneersunut qularnaarneqassaaq

Fast-track-imik aqqissuussineq (pisortani sullissineq sukkasooq nunanit allanit sulisussanut atasoq) pilerinarpoq, aqqiissutaassallunilu sulisussanik immikkut pisariaqartitsinermut. Aqqissuussinerup qularnaassavaa ingerlaavartumillu ineriartortillugu nunanit allaneersunik sulisussanik pisariaqartitsineq.

Suliniut 40 – Piginnaanernik nalilersuineq aamma qaffasinnerusumik ilinniagaqarneq

Nalilersuinerimik suliaqartoqassaaq piginnaasat qaffasinnerusunillu ilinniakkat ugartorneqartut pillugit. Takornariartitsinermik inuussutissarsiortunik soqutigisaqartunillu allanik oqaloqateqarnerup qulaajassavaa pisariaqartitsineq pikkorissartitsisarneq aamma ilinniagaqartitsineq. Inuussutissarsiutit aamma soqutigisaqartut kattuffii, ilinniarfiit, takornariartitsinermik soqutigisaqatigiit susasaqartullu allat suliniutissat suussusilersussavaat, aallartinneqartussat inuusuttunut sammisut, takornariartitsinermik suliffittut ineriartorfeqarniartut, sulisuujumasut, imaluunniit takornariartitsinermi maanna suliffeqareersut.

Suliniut 41 – Malinnaatitsineq najukkani ilinniartitaanertigut aallarnisarnissatigullu neqeroorutitsigut

Ilinniartitaanerit allannguutaannik aqqissuussineq imaluunniit nutaanik ilinniartitaanernik allartitsisarneq piginnaasat ugartorneqartut eqqarsaatigalugit aamma qaffasinnerusumik ilinniagaqartarneq suliffeqarnermi pisariaqartitsinerni tunngavilik. Pilersaarummik ineriartortitsisoqassaaq takornariartitsinermi ilinniartitaanerit aamma pikkorissartitsisarnerit sorliit iluaquusiisumik nunatsinni sumiiffinni sorlarni pilersinneqassanersut pillugit.

4.4. Piujaannartitsineq

Takornariartitsinermut immikkoortumi pilersaarutip ilaatut nukittuumik aallunneqarpoq silaannaq aamma piujaannartitsineq takornariartitsinerup nammeneq iluani. Qitiusutut immikkoortutut suliniuteqartoqarpoq akuersissummik allagartamik aqqissuussineq assersuutigalugu taaneqartoq Green Key, kalaallisut taasinnaasarput Qorsuusumik matuersaat, qularnaarisussaq takornariartitsinermik ingerlatsinermi qaffasissusilimmik pitsaassusissaqartitsineq avatangiisinut inussiarnersumik. Inassutigineqarpoq aallarnisaasoqassasoq suleqatigiinnermik susassaqtut Naalakkersuisoqarfiit aamma soqutigisaqatigiit akornanni, ineriartortikkumallugit aningaasalersuinissamik periarfissat, tapersersuisut takornariartitsisartunik, aallarnisaasut assersuutigalugu CO2 pillugu nalunaarusiortarnermik, iliuusissanik pilersarusiortut CO2-mik annikillisaanissamik assingusunillu avatangiisinut inussiarnersunik aqqissuussinernik.

Ilassutitut suliniut tassaavoq ineriartortitsineq piujaannartitsisumik ingerlatsinermut periusissiaq takornariartitsinermi. Periusissiami aallunneqassapput aqqissuussamik ingerlatsinermi “nuunnissaq” inuussutissarsiummut sammisoq, ilutigisaanillu takornariartitsinerup nunarsuarmi internationaliusumik unammilleqatigiinnerata piffissamut ungasissumut tapersersorneqarnissaa.

Takornariartitsinermut inatsisiliornikkut aalajangersarneqarput takornariartitsinermi killiussat pingaarnerit. Tamanna tunngavilerluakkamik natsiuvoq immikkoortumut pilersaarummi, zone-nut immikkoortitserinermi qularnaarisumik oqimaatigiissummik ineriartortoqarnissaanik, akornusiinnigitsunik maani najugaqtut atugassaannik. Tamanna ingerlaavartumik nalilersuivigineqartassaaq aammalu naleqqussarneqarluni takornariartitsinerup sumut ingerlanera isigalugu. Ilisimasaqassuseq eqqumanerlu qanoq pingartigisut mianersortumik takornariartitsisarneq ajunngitsumillu tunniussaqtarneq ineriartorluarsimapput, taaguuteqalersimallunilu inerititaqatigiissumik takornariartitsisarneq. Takornariartitsineq taamaallaat misigisassanik “nerisitsisussaanngilaq” kisiannili aamma ajunngitsunik tunniussaqaqassalluni ornittakkanut tikeraarneqartunut. Pineqartoq tassaavoq naleqartunik pilersitsineq, annerusumik takornariarnerup “nungullarsaaneraniit”, najukkanut aamma avatangiisinut. Inerititaqatigittarneq takornariartitsinermi aallunneqarpoq piujaannartitsineq siuarsarumallugu, najukkani aningaasarsiorneq, kulturikkut ileqqutoqqat pigiinnarnissaannut avatangiisillu pinngortitamiittut illersornissaannut.

Takornariartitsinikkut avatangiisinik aqutsineq isumaliutigilluagaq takornariartussanik nutsuisuusinnaavoq, soorlu pisuinnaq angalaartartunik, uumasunik nujuartanik takusassarsiorbitsisarnernik, ilutigisaanillu qularnaarisuulluni nunarsuatta pissuseqatigiinnerata attatiinnarnissaanut, inuiaallu sumiiffimmiittut illersornissaannut. Tamatuma saniatigut avatangiisinut eqqumanerup takornariartitsinermi pingaaruteqarnera nipilersoqataavoq, pinngortitamik piujaannartitsinermi, pinngortitap pigisaasa siunissami inuujumaartunut kinguaariinnut tullernut ataannartinnissaat eqqarsaatigalugu. Taamaattumik pingaaruteqarpoq avatangiisinik isiginninnerup takornariartitsinermi pilersaarutiniinnissaa, oqimaatigiissitsiumalluni pinngortitap illersorneranik aningaasarsiornermillu. Ilulissani Kangia ingerlatsinermut pilersaaruteqarfiuvoq, 2026-imi naassusamik. Ineriartortitsisoqassaaq ukiunut tulliuttunut 5-inut pilersaarummik nutaamik, isiginiaassusamik soqutigisat imminnut assortuuttut aamma kissaataasut UNESCO-p ingerlatsiviata illersorneqarneranik, nunaminertat soqutiginaruummata najukkami inuunerup ineriartornerani aamma innuttaasut tamaani sunngiffimmi susassaqarniarneranni soorlu illuaqqiortarnikkut. Tamatumani pinngitsoorani oqimaatigiissitsisoqartariaqarpoq, aamma kommunimik pitsaasumik

suleqateqarnikkut, naammaginninnginneq naapigiarumallugu killiliussat eqqarsaatigalugit, annaanagulu Ilulissat Kangiata immikkoorutaa.

Suliamik ingerlatsisoqarpoq nunamik allanngutsaaliukkamik nunatta Kitaani pilersitsisoqarnissaanik siunertaqartumik. Takornariartitsinermut immikkoortumi pilersaarut imaqarpoq suliniummik, ineriartortitsinermut pilersaarummik pilersitsiviusussamik, aningaasarsiutigalugu iluaquteqarnermik, illersuineramik aamma oqaluttuamik ingerlatitseqqinnermik, ussassaarinermillu imaqtussamik, nunamut allanngutsaaliuganngortussamut atasumik.

Ilisimatusaatigalugu takornariartarneq annertusiartorluarpoq, umiarsuit takornariartaatit aqutigalugit aamma nunnilluni takornariartarnikkut, soorlu sermersuaq qarsullugu angalaartarnikkut. Tamatuma allaffissornikkut suliat ulapaarnartuutippaat, soorluttaaq naammattunik ilisimasaqartoqanngittsoq avatangiisinut sunniutaasut pillugit. Avatangiisinut oqtussaasut, Inuussutissarsiornermut Oqtussaasut, Peqqinnissaqarfik aamma Upalungaarsimasut suleqatigiillutik suussusilersuisussaapput ilisimatusarluni takornariartarnerup suuneranik, oqinnerulersikkumallugu akuersissuteqartarneq. Kiisalu illuatungeriit nalilersortussaavaat qulaajaallutillu killiliisoqassanersoq ukiumut akuersissutit tunniunneqartut eqqarsaatigalugit, killiliussat suusanersut, takornariartut isumannaatsumik ingerlaartarnissaannut, aamma pinngortitamik avatangiisinillu illersuineq eqqarsaatigalugit.

Angalaarnermut nalunaarut, danskit peqqussutigisaat pinerluttulerinermut inatsisip ataani, suussusilersuipput isersinnaanermut piumasaqaatinik allaffissornikkullu akitsuummik akiliutigineqartussamik, Kalaallit Nunaata kangiani avannaani nunami allanngutsaaliukkami atortussamik. Nalunaarut maanna nutaanngilisoorsimavoq malinnaatinneqartussaallunilu danskit inatsisinik atortitsinermut ministeriaqarfiat aqutigalugu, soorluttaaq angerlaassisinnaaneq isumaliutigineqartussaasoq.

Suliassaqarfik una tapersorsorneqarpoq iliuusissanut pilersaarusiata aalajangersimasut 15-it aqutigalugit, tulliuttuniittullu pingaartinneqarniarput piviusunngortitsinissami:

Suliniut 55 – Piujuuaannartitsinermik aaqquissuussineq takornariartitsisartunut saaffiginnittoq

Takornariartitsisarnermi assigiissaarinerit ujartorneqarput takornariartitsinermik ingerlatsisuusut akornanni, siumullu isigisumik peqataassallutik aallussinermi avatangiisinut inussiarnernerusumik takornariartitsinermik isumannaatsumik ingerlatsinermi, takornariartunut isumannaatsumik, atuisup eqaatsumik aaqquissutissanik qinigaqarsinnaanera piujuuaannartitsisumik aaqquissutissanik takornariartitsinermut tamarmiusumut iluaqutaasussanik. Atortuulersitsisoqassaaq nutaanik imaluunniit pioreersunik nunat tamalaat /nunami namminermi assigiissaarinernik takornariartitsinermik ingerlatsivinnut Kalaallit Nunaanni.

Suliniut 59 – Piujuuaannartitsinermut periusissiamik suliaqarneq

Kissaatigaarput peqataanissaq silaannaap allanngoriartornerata pinaveersaartinneqarnerani. Akueraarput annertuumik isumaqarmat najukkani namminerni susoqartarnera, soorluttaaq

nunarsuarput ataatsimut isigalugu susoqartarnera. Taamaattumik annertuumik isumaqarpoq qanoq periaaseqarnerput. Suliaqartoqassaaq piujuaannartitsinermut periusissiamik, periusissatsinnik isumaliutitsinnillu aammalu anguniakkatsinnik imaqartunik, piujuaannartitsinermut tunngatillugu. Tassaniissapput iliuusissagut aalajangersimasut tigussaasullu, iliuusissanik anguniakkat aamma piumasaqaatit aammalu ilalersuissallutik takornariartitsinerup akilersortinneqarneranik aamma aaqqiissutissanik, pilersaarusiorneqartunik aammalu ataqatigiissaarneqartunik imminnut, aamma ingerlatanut allanut.

Suliniut 60 – Zone-nut immikkoortitserineq piujuaannartitsisumik takornariartitsisarnermi

Takornariartitsinermi inatsisiliornikkut takornariartitsinermi killiliussat aalajangersarneqartarput. Tamanna patajaatsunik taqqaveqarpoq immikkoortumi tassani ineriartortitseqqinnissamut, matumani aamma zone-nut immikkoortitserinermik qularnaarisussamik oqimaaqatigiissaakkamik ineriartortitsinissamik, aamma takornariarfissatsialannut isersinnaanermik, naapigiaasuunngitsunik killiliisunillu najukkani innuttaasut atugassaannik. Tamanna ingerlaavartumik nalilersorneqartartussaavoq aammalu naleqqussarneqartussaalluni takornariartut angalasinnaassusiannut.

Suliniut 62 – Imminut akilersinnaasumik takornariartitsisarneq

Takornariat nunarput misigiinnassanngilaat, kisianni aamma tunniussaqaassapput pitsaasunik ornitaminni, - tikeraakkaminni. Pineqartut tassa naleqartitanik pilersitsineq, annerusunik sunniutaasuniit, takornariat najukkanut avatangiisinullu tutsittagaannut. Piujuaannartitsisumik takornariartitsisarneq, - tassa piujuaannartitsinermik siuarsaaneq, najukkani aningaasarsiornermik tapersersuisoq, kulturimik piginniinnarneq aamma pinngortitamik illersuineq.

5. Uttuutit aamma anguniakkanik angusisarneq

Anguniakkanik qitiusunik malinnaatitsineq qularnaarumallugu nalunaarsorneqarput uuttuutit anguniagakkaartumik. Uttuutini angusat ingerlaavartumik malinnaatinneqassapput, takornariartitsinernut periusissiami piffissap ingerlanerani.

Anguniagaq 1: Takornariartitsineq nunatsinni avammut niuerutigisatta 40 %-eraa

Uttuut 1: Takornariartitsinerup avammut niuerutitut nalinga, - Uttorneqartoq procentinngorlugu nuna tamakkerlugu avammut niuerutaasumiit, takornariartitsinermik ingerlatsinerup nalinga.

Uttuut 2: Avammut niuerutaasoq procentinngorlugu – Uttorneqartoq ukiumoortutut procentinngorlugu takornariartarnerup nalingatut avammut niuerutini, ingerlatanut allanut sanilliullugu.

Uttuut 3: Takornariartarnerup najukkanut tunniussai – Uttorneqartoq pilersinneqartutigit aaqqissuunneqartutigit tunissutitsigut, takornariartut tunniussaqaarsinnaanerisigut ineriartortitsinermik suliniutinut, aningaasaliissutillu aqutissiuunneqartarlutik najukkani suliniutitsigut.

Anguniagaq 2: Takornariartut amerlassusaat marloriaatinngortillugu

Uttuut 1: Nunanit allaniit takornariartut amerlassusaat – Ataatsimut tikeraat ukiumut nunap immikkoortukkaarlugit.

Anguniagaq 3: Inuit 2000 -init amerlanerusut takornariartitsinermi suliffeqarput

Uttuut 1: Takornariartitsinermik ingerlatsiviit suliffeqarfiit nutaat amerlassusaat – Uttorlugu ilanngaattissat ilanngaatigereerlugit suliffeqarfinnut nutaanut takornariartitsinermik ingerlatsisunut.

Uttuut 2: Inuussutissarsiummi suliffeqartut amerlassusaat – Uttorlugu takornariartitsinermik inuussutissarsiummi ulloq tamaat aamma ullup ilaani suliffeqartunut.

Uttuut 3: Ilinniartitsineq amma pikkorissaqqinnerit – Uttorlugit ilinniarsimasunut aamma pikkorissarsimasunut kiisalu suliffissanik nutaanik pilersitsiortornernut.

Anguniagaq 4: Naammassisinnaasanik iluaquteqarneq qaffassimavoq ukioq kaajallallugu 75% -inut

Uttuut 1: Naammassisinnaasamik tamakkiisumik iluaquteqarneq – Uttorlugu ukiumut iluaquteqarnerup annertussusianik naammassisinnaasamit tamarmiusumit piffissami ulapiffiusanngitsumiittumit ukiup siuliani.

Uttuut 2: Suliffeqartut amerlassusaat – Uttorlugu ukioq tamaat suliffilinnut, sanilliullugulu ukiup ilaannaani sulisartunut.

Uttuut 3: Nunat tamalaat akornanni ussasaarinerit amerlassusaat – Paasisitsiniaanerit imaluunniit ussasaarinerit nunani allani niuerfiusunut ukiumut saaffiginnittut amerlassusaat.

Anguniagaq 5: Takornariartitsinernik ingerlatsisartut tamarmik oqaasertalersukkamik piujuaannartitsinermut politikkeqarput

Uttuut 1: Takornariartitsisartut amerlassusaat piujuaannartitsinermik politikkeqartut – Uttorlugit takornariartitsisartut amerlassusaannut piujuaannartitsinermik politikkillit.

Uttuut 1: Qorsuusumik akuersissummik takornariartitsiviit peqartut – Suliffeqarfiit amerlassusaat qorsuusumik akuersissummik piujuaannartitsinermut allagartallit.

Uttuut 2: Akuersissutit siuariartornerat – Uttorlugu siuariartornertut ukiumut anguniakkat allagartallinni.

Uttuutit taakkua qularnaassavaat nunatsinni takornariartitsinerup takussutissaateqarnissaa, aamma pisariaqartunik suliniutissat inuussutissarsiummi siuariartortitsisut aaqqissuunneqarnissaat.

6. Aningaasartuutissanut missingersuusiat aamma aningaasalersuineq

Immikkut takornariartitsinermut aningaasaliissutinik malitseqanngilaq, suliniutit oqartussaaffinnut akisussaasunut pitussimasarmata. Taamaasilluni aningaasalersuineq aamma aningaasartuutissanut missingersuusianut akisussaaffik akisussaasuni Naalackersuisoqarfinni inissisimasarpoq. Suliniutit arlaqartut suliassanut akisussaaffiit arlaqartut akornanniittarput, aningaasanut inatsisikkullu aningaasalersugaasarlutik.


7. Kingunerisassai aamma nalorninaatit nalilersorneqarneri

Angusaqarluarniarneruvoq takornariartitsinermut immikkoortumi pilersaarutip ukiuni tulliuuttuni 10-ni atuuttup immikkoortuni arlaqartuni inissisimanera, ajornakusoortuummat siumoortumik takorluussallugu nunarsuatsinni takornariartitsinikkut ineriartortitsineq. Taamaattumik immikkoortumi pilersaarut isiginiaasinnaanngilaq ukiuni tulliuuttuni qulini ajutoornerusinnaasunik, taamaattumillu naatsorsuutigisariaqarluni ingerlaavartumik pissusiviusunut iluarsiiisoqartarnissaa.

8. Malitseqartitsisarneq

Iluatitsiviusumik piujuaannartitsisumillu takornariartitsinikkut ineriartortitsinermi piumasaqaataassaaq susassaqtut tamarmik pisortat ingerlatsiviini siunnerfimmik assigiissumik ataatsimoortumillu ornitaqarnerat – allorissaaqatigiinnerat. Tamatumani piumasaavoq ataqatigiissaarisogarnera, paaseqatigiittoqarnera aamma aningaasalersuisogarnera suliassanut akisussaasut Naalackersuisoqarfiit akornanniit, matumanissaaq aamma tulleriiaarinermut pingaarnersiuiernullu atasumik suliassat allassimaffiisa iluini. Siuariartornerup aqunneqarnera aamma nalilersorneqartarnera takornariartitsinermik pilersaarutip inuussutissarsiornermut oqartussaaffiup iluaniissaaq. Siusinnerusukkut eqqaaneqareersutut aqutsisut siuariartornermik aamma nalilersuisarnerit pereersunik takornariartitsinermik pilersaarummut atatillugu akisussaaffik inuussutissarsiornermut Naalackersuisoqarfimmuk inissippaat. Siunertaasoq tassaavoq qularnaassallugu naammaginarumuk siuariartortoqarnissaa anguniakkanut atasumik, kisiannili aamma nalilersuisarnerit periusissianillu allannguisarnerit naleqqussaasarnerillu ingerlaavartumik immikkoortortat allat, Naalackersuisoqarfiit aamma soqutigisaqartut

suleqatigalugit. Aamma tassaniissapput killiffimmik nalilersuisarnernut ataatsimiigiaqqusisarnert, immikkoortunillu anguniagaasunik malitseqartitsisarnert. Immikkoortumut pilersaarut ukiumoortumik nalilersorneqartassaaq. Ukiunut aggersunut suliniutissat suussusilersorneqartassapput, piffissaliisoqartarlunilu aningaasaliissutissanik pilersaarusiortoqartassaaq pilersaarutit piviusunngortinneqarnissaannut. Suliniutit ingerlaavartumik “allagarsiissutigineqartassapput”, pisariaqarpallu iliuusissannik aallartitsisoqartassalluni, kinguartoortoqarsimappat, aningaasaliissutissat amigarpata imaluunniit aallussisoqanngippat.



Ilanngussaq A

Immikkoortumut pilersaarummik suliaqarnermi piumasaqaataavoq peqqissaartumik nalilersuinerit aamma nalunaarusiat misissorsimanissaat, periusissiat atuuttut naapertorlugit, immikkoortumi pilersaarutit aamma ingerlatsinernut pilersaarusi, kiisalu annertuumik Naalakkersuisoqarfiit suliaasaqarfii akimorlugit suleqatigiinneq Naalakkersuisoqarfiit akornanni, aamma paasissutissanik katersisarneq suleqatit aamma siunnersortut pigisaannik.

Periuseq aamma teoritiskimik misissuineq

Alloriarneq siullesq tassaasimavoq illup iluani suleqatigiissitamik pilersitsineq Inuussutissarsiornermut, Niuernermut, Aatsitassanut, Inatsisit atuutsinneqarnerannut Naligiissitaanermullu Naalakkersuisoqarfimmi, annerusutigut akisussaasumi immikkoortumi pilersaarummik suliaqarnermi. Tamatuma kingornagut pilersinneqarpoq suleqatigiissitaq peqataaffigineqartoq Naalakkersuisoqarfinnit susasaqartunit kiisalu Visit Greenland-imit. Naalakkersuisoqarfiit piginnittunngortussaapput takornariartitsinermi pilersaarummik, pisussaaffilissallutik aalajangersimasunut suliniuteqarfiusussanut, aammalu fagitigut ilisimasani aamma nammineq ingerlatsivimmi ilisimasani tunniussaqaassallutik, soorluttaaq teoritiskiusumik ilisimasat suussusilerneqassasut.

Kalaallit Nunaanni nuna tamakkerlugu takornariartitsinikkut siunnersuisoqatigiittut Visit Greenland-ip pisussaaffigisimavaa immikkut ilisimasalittut suleqatigiissitami inissisimaneq, soorluttaaq periusissiamut atasunik ilisimasaqarneq, aaqqiissutissanik siunnersuuteqartarneq aamma ingerlaavartumik utimut tutsiuttarneq.

Pingaartorujussuusimavoq takornariartitsinermut immikkoortumi pilersaarutip suliarineqarnera, peqqissaartumik ilisimasani tunngaveqarluni, naapertuullunilu pioreersunut iliuusissanut pilersaarutinit, immikkoortunut pilersaarutinit aamma periusissianut, takornariartitsinermi immikkoortunut pilersaarut ilalersuisuusussaammata politikkikkut suliniutinik, anguniakkanik aamma periusissianik.

Taamaattumik takornariartitsinermi immikkoortumi pilersaarut nutsuisuuvog ilisimasani katersani sinniisuuffigineqartunik nalilersuinernik tulliuttuneersunik:

- Aningaasarsiornikkut qanoq naleqarnera takornariartut nunanit allaneersut Kalaallit Nunaannut takornariartarnerat Visit Greenland-imiit, Kalaallit Airport-imiit (maanna Greenland Airports) Sikuki-miit, Nalik-miit, AICO-miit, Air Greenland-imiit aamma GrønlandsBANKEN-imiit.
- Innuttaasut takornariartitsinermut isumaat 2024 Visit Greenland-imiit
- Takornariartitsinermi kisitsisit paasissutissat 2023 Visit Greenland-imiit.
- Kalaallini umiarsuit takornariartaatit aningaasarsiornerat 2023 Visit Greenland-imiit
- Sulisitsisut qulaajaanerat inuussutissarsiorlut piujuaannartitsinermik
- Sulisitsisut piujuaannartitsineq pillugu sulinerat 2022-imeersog

- Naalakkersuisut suliffeqarnermut nalunaarusiaat 2022-imeersaq
- Ikaarsaariarnermi periusissiaq takornariartitsinermi 2023-2024
- Qajannaassutsimut inerisaanermullu pilersaarusiaq 2, 2023

Ilanngullugu takornariartitsinermi immikkoortumut pilersaarusiami isumassarsiorfigineqarput nunat allat takornariartitsinermi immikkoortumut pilersaarutaat – ilaatigut:

- [Maldives Fifth Tourism Master Plan 2023- 2027](#)
- [New Zealand-Aotearoa Government Tourism Strategy](#)
- [The Federal Democratic Republic of Ethiopia: Sustainable Tourism Masterplan 2025-2025](#)

Suleqatigiissitaq aallartisarneqarpoq ilisarititsisoqarlunilu suliniutip ilusissaanik aamma piffissalersuinernik, tamatumalu kingornagut nassiussuisoqarpoq skemanik paasissutissanik katersinermi atorineqartussanik periusissiamut naapertuuttuni, iliuusissanut pilersaarusianut aamma nalilersuinernut kiisalu suussusilersuisoqarluni ajornartorsiutinik naalakkersuisoqarfinni susasaqartuni, takornariartitsinermullu attuumassuteqartuni.

Naammassiat tamatuma kingornatigut misissorneqarput sammeneqarlutik immikkoortortamik susasaqartumik Naalakkersuisoqarfinniillu qulaajarumallugit, tamatumalu kingornagut suleqatigiissitamit misissorneqarlutik, isummersuutinik utertitsisoqarluni, oqallittoqarluni, nalorninaatinik qulaajaasoqarluni, akisussaaffinnik agguasoqarluni aamma allanut oqartussanut attuumassutaasigut. Paasissutissat tamakkua tunngavigineqarsimapput imaluunniit aallaavigineqarsimapput takornariartitsinermi immikkoortumut pilersaarummi, taannalu kingornagut utertillugu isummersorfigineqarluni advisory board-imi inuttaqartumit tamatigoortunik naalakkersuinikkullu pitussimanngitsunit soqutigisanit, immikkut ilisimasalinnit aamma siunnersortinit, ilaatigut Visit Greenland-imiit aamma Nalik Ventures-imeersunit.

Tamatuma kingornagut takornariartitsinermit immikkoortumi pilersaarutip imai, suliniutissat aamma akisussaaffiit agguataarneri iluarsaanneqarput, politikkikkut akuerisassatut nassiunneqarlutik Naalakkersuisoqarfinnut ataasiakkaanut aammalu Naalakkersuisut Ataqtigiissaarinermut Ataatsimiititaliaannut. Takornariartitsinermi immikkoortumi pilersaarut tamatuma kingornagut allanneqarpoq, inaarutaasumik politikkikkut akuerineqarluni Naalakkersuisoqarfinmi akisussaasumi, Inuussutissarsiornermut, Niunernermut, Aatsitassanut, Inatsisit atuutsinneqarnerannut Naligiissitaanermullu Naalakkersuisoqarfinmi, aammalu nutserneqarluni tusarniaassutigalugulu nassiunneqarluni anguniarlugu Naalakkersuisunit akuersissutigineqarnissaa ukiup nikinnerata missaani. Anguniagaavoq siunnerfiusoq takornariartitsinermi immikkoortumut pilersaarutip 2025-imiit atortuulersinneqarnissaa.

Soqutigisaqartut

Naalakkersuisut aamma immikkut Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfiup tamakkiisumik akuerissagaat, suliffeqarfiit amerlanerat, kattuffiit aamma inuinnaat ataasiakkaat soqutigisaqartuusut sunniuteqarfigineqarnissamik takornariartitsinermut immikkoortumi pilersaarummit. Aamma peqarsinnaavoq soqutigisaqartunik, suleqatigissallugit pisariaqartunik, ajornartorsiutit immikkoortut aaqqiissutissarsiniarneranni. Uani erseqqissarneqassaaq suliniuteqarfiusussat ataasiakkaat takornariartitsinermut immikkoortumi pilersaarummi pineqartut oqaluuserisassanngortinneqartullu, isiginiarneqassammata suliniutitut ataasiakkaatut, - taamaattumillu naleqquttut soqutigisaqartut akulerunneqassapput suliniutini ataasiakkaani Naalakkersuisoqarfinnit akisussaasuniit. Tassani assersuutigalugu taakkua tassaasinnaapput kommunit, nunap immikkoortuini siunnersuineramik ingerlatsisut kattuffiit, soqutigisaqatigiit, soorlu Sulisitsisut, SIK, Inuussutissarsiortut allat, Ilinniartitaanermik ingerlatsiviit, ilisimatusarnermik ingerlatsiviit, innuttaasut il.il.

Periussissiamik aallussineq	Suliniut	Illiutit	Immikkoortoq /Sammisaq	Ataqatigiissaa- risoq	Nunarsuarmiut anguniagaat
Kiliilussatut atugassariti-taasut	Suliniut 1 - Aallartinnermut siuarsaanermullu aningaasaliissutit	Aallartinnermut siuarsaanermullu immikkut pingaartillugit aningaasaliissutit pilersittoqassaaq. Aningaasaliissutit tapersersussavaat suliniutit takonariartitsinermik illoqarfiit annerit avaraanni ineriartortitsineq	Aningaasat	Inuussutissar- siorneq	
	Suliniut 2 - Digitaliusumik ussassaarisarnermik inerisaaneq	QR kod-it takujuminartuutitsinnut ineriartortinneqassapput, pitsaannerusumik oqinnerusumillu takujuminartut tikinneqarsinnaannorlugit. Siunnerfilersugaasunik paasisitsiniaanernik pilersitsineq piujuaannartitsisunik erseqqissaasur, takonariartitsisartut ornittakkallu sulissutigisaannik.	Ussassaarineq	Inuussutissar- siorneq	
	Suliniut 3 - Takonariat peqqinnissaqarfimmi akiliinissamut periarfissaat	Takonariartunut akitsuut eqqunneqassaaq meeqqat atuafianni fagitut, ilinniakkat qaffasissusaat akimorlugit.	Peqqinneq	Aningaasat	
	Suliniut 4 - Peqqissutisimik nalilersuinerimik aaqqissuusseriaatsimik ineriartortitsineq	Aallartitsisoqassaaq misissuinerimik peqqissaartumik suliaasumik siunissami peqqinnissaqarfiup ineriartortinneqarnissaanik.	Peqqinneq	Peqqinneq	
	Suliniut 5 - Kukkunersiuneq inatsisiliornermik CVR-normunut tunngasunik aamma annerpaamik akiliutissat	Pilersitsisoqassaaq inatsisiliornermik allannguisumik siunissami CVR-normunik akiliutissat annerpaaffissannik nutaanik kiliilissunik.	Aningaasat	Inuussutissar- siorneq	
	Suliniut 6 - Pinngortitami allanngutsaaliukkami aningaasatigut nukiit	Nalilersuisioqassaaq akiliteqartitsilluni piniartitsisarnep aalisartitsisarnep sunniutaat pillugit.	Aningaasat	Aningaasat	
	Suliniut 7 - Takonariartitsinerup aningaasaqarnermut sunniutaanik qulaajaaneq	Visit Greenland suleqatigalugu suliaqartoqassaaq taaneqartumik I Tourism Satellite Account (TSA)	Aningaasat	Inuussutissar- siorneq	
	Suliniut 8 - AirBnB regulering	AirBnB -mut inatsisiliorneemik eqqussineq	Inissiat	Inissiat	
	Suliniut 9 - Inuussutissanut tunngasunik aalajangersakkanik malinnaatitsineq	Inuussutissalerinermik inatsimmik allannguneq periarfissaqartitsilertussaq inuunnaat angerlarsimaffiini nerisitsisoqarsinnaanerannik, kaffisortitsisoqarsinnaanerannik imaluunniit allatut aaqqissuusissinnaanerannik, imigassartalimmik.	Nioqqutissanik ineriartortitsineq	Aningaasat	
	Suliniut 10 - Umiarsualiviit sannaanik pitsanngorsaaneq	Nunamit sarfamik atuisinnaaneq umiarsualivinnut aqquserneqassaaq, umiarsuit takonariartaatit orussamik umiarsualivinni ikumatitseqqunagit. Tamaruma saniatigut allannguisoqassaaq nunatsinni umiarsualiviit aqunneqarnerannik, annertusisamik aningaasarsiortoqarsinnaalerlugu, annerusumik atuisut akiliteqarnerisigut.	Assartuineq	Attaveqaaser- suutit	
	Suliniut 11- Sanaartukkanik annikitsunik pitsanngorsaaneq	Annikitsunik attaveqaasersorsinnaanermut aningaasaliissutit sivitsorneqassapput, kommunit takonariartitsinermut sammisunik suliniutaanni.	Nioqqutissanik ineriartortitsineq	Inuussutissar- siorneq	
	Suliniut 12 - Innaallagissap aqquataasa naammassinnaasaat	Innaallagissap aqquataanik nalilersuisoqassaaq, aamma annertusaanissamut pisariaqartitsinermik umiarsualivinnut atassusiinermut atasumik.	Sanaartorneq	Attaveqaaser- suutit	
	Suliniut 13 - Pinngortitami misigisassanik annertusaaneq	Annertunerulersitsisoqassaaq akiliteqarluni piniartitsisarnermik, tamanna soqutiginarneruleqqullugu	Nioqqutissanik ineriartortitsineq	Aalisarneq piniarnerlu	
	Suliniut 14 - Aalisarsinnaanermut akuersissusiarnernik pitangorsaaneq	Pilersitsisoqassaaq nutarterisoqarlunilu takonariat aalisarsinnaanermut allagartamik pisisarnerannut.	Aningaasat/Nioqqutissa- nik ineriartortitsineq	Aalisarneq piniarnerlu	
	Suliniut 15 - Nujuartanginik misigisaqartitsisarneq aamma takusassarsiorarneq	Uumasunut nujuartanut takusassarsiorluni takonariartarnermi periarfissat annertusineqassapput niuerfiusuni ingerlatsisunilu nutaanik ammaassisoqarluni.	Nioqqutissanik ineriartortitsineq	Aalisarneq piniarnerlu	
	Suliniut 16 - Piniariarsinnaasunik niuerfinni misissuineq	Niuerfiusunik misissuisoqassaaq sullittakkat kikkunerinik, aamma akiliteqarluni piniariartarnerup piumaneqassusianik, negeroorutinik pitsaanerpaanik pilersitsiumalluni	Nioqqutissanik ineriartortitsineq	Aalisarneq piniarnerlu	

Suliniut 17 - Pinngortitaliartartunut takornariartunut attaveqaasersuutini nukittorsaaneq	Attaveqaasersuutini periusissialiortoqassaaq akiliuteqarluni piniartitsisarnernut, aalisartitsisarnernut aamma piniariarnernut takornarianut piffissanik.	Ussassaarineq	Aalisarneq piniarnerlu	
Suliniut 18 - Nunatsinni angallannermut malittarisassanik nutarterineq	Angallannermut malittarisassat iluarsiissuteqarfigisassaapput, nunanut allanut nallersuuttunngorlugit, takornarianit paasineqarsinnaanngorlugit. Angallatinik attartornermut malittarisassat suliarineqassapput aamma ingerlaarnermut.	Assartuineq	Attaveqaaser- suutit	
Suliniut 19 - Imarsiornermi malittarisanut periusissiaq	Sillimaniarnermut periusissiaq Sæfartsstyrelse suleqatigalugu.	Imartat	Attaveqaaser- suutit	
Suliniut 20 - Pisortat angallassinernannik ineriartortitsineq	Pisortat assartuinerannut periusissiaq ineriartortitassaq takornariartut ameriartornerat ilutigalugu.	Assartuineq	Attaveqaaser- suutit	
Suliniut 21 - UNESCO- qarfiusuni attaveqaasersuutini nutarterineq	Attaveqaasersuutini inerisaaneq nunap immikkoortuini mianernartuni UNESCO-qarfiusuni	UNESCO	Attaveqaaser- suutit	
Suliniut 22 - Kiffartuussinermik isumaqatigiissutit	Ilaasunik angallassinermut kiffartuussinermut isumaqatigiissut	Assartuineq	Attaveqaaser- suutit	
Suliniut 23 - Immap assinginik nutarterineq	Immap assinginik elektroniskiusunik suliaqarneq (ENC)	Imartat	Attaveqaaser- suutit	
Suliniut 24 - Timmisartut mittarfiinik nutarterineq	Mittarfiinik pilersitsiortorneq aamma pitsanngorsaaneq	Assartuineq	Attaveqaaser- suutit	
Suliniut 25 - Ilisimasortaqaarnermik nakkutillinerup nutarterneqarnera	Ilisimasortanik nakkutillineq angerlaatassaavoq, eqqussisoqarlunilu inuussutissarsiummut atasumik ilisimasoqartaqarnissamik.	Imartat	Attaveqaaser- suutit	
Suliniut 26 - imaatigut angalanermi ilisimasortaqaarnissamik piumasaqaat	Eqqussinissaq piumasaqaammik najukkami ilisimasalimmik sumiissusersiortoqarnissamik, imaatigut sillimaniarneq annertusarumallugu.	Imartat	Inuussutissar- siorneq	
Suliniut 27 - Timmisartut mittarfiini akunnittarfinnut pilersaarut	Timmisartut mittarfeqarfiini akunnittarfiliornissamut pilersaarummik suliaqarneq	Sanaartukkat	Attaveqaaser- suutit	
Suliniut 28 - Timmisartut mittarfiinik allilerineq	Ingerlatitseqqinneq aallarteriikkamik timmisartunut mittarfiit nutaat aamma piusut pitsanngorsarneqarnerannik.	Assartuineq	Attaveqaaser- suutit	
Suliniut 29 - Inissianut periusissiaq takornariartitsinermik inuussutissarsior- tut pisariaqartitsinerannut.	Iliuissisanut pilersaarussiaq inissianut takornariartitsinermi siunissami suliusuussanut	Inissiat	Inissiat	
Suliniut 30 - Nunatat inuussutissarsiorfiusussa- t pilersaarusiortulugit	Nunatat inuussutissarsiorfiusussat aalajangersarneqassapput	Sanaartorneq	Inissiat	
Suliniut 31 - takornarianut eqquumiitsuliornikkut aningaa-saateqarfik	Aningaasaateqarfiliortoqassaaq aningaasarsiu- tigalugu eqquumiitsuliornikkut suliniutinut.	Nioqqutissanik ineriartortitsineq	Kulturi	
Suliniut 32 - Katersugaasiveqarnermi k, nunami takujuminartuutigit aamma GVC allanngortinissamut periarfissiineq	Suleqatigiissitaliortoqassaaq katersugaasiveqarnermi nutaamik eqqarsaatersuuteqartussamik, nunami takujuminartuutigit aamma GVC			
Suliniut 33 - Immikkut ittumik ilinniartitsineq UNESCO-mi takornariartitsisartun- ik.	UNESCO-p quppersagaa suleqatigalugu tulleriaarisooqassaaq ilinniartitsinissamik immikkut ittumik takornariartitsisartunik UNESCO-qarfinni angallassisartussanik.	UNESCO	Kulturi	
Suliniut 34 - UNESCO takornariat akitsuutaat	Takornarianut akiliummik pilersitsisoqassaaq UNESCO-p quppersagaanut.	UNESCO	Kulturi	
Suliniut 35 - Ilinniartitaaneq immikkut ittumik takornariartitsisartutut	Pilersitsisoqassaaq ilinniartitaanermik takornariartitsisartunik immikkuullarissunut takornariartitsisarnernut, soorlu; sermimi majuartarneq aamma qaqqaniit helikopterimiit nioriarluni sisuupiloortitsisarunik.	Ilinniartitaaneq/ Suliffeqarneq	Ilinniartitaaneq	
Suliniut 36 - Takornariartitsisarnernut pilersaarutit ineriartortitat	Nunarsuatta kujasinnerusortaamiunut paarlaasseqatigiittarnermut isumaqatigiissioriortoqassaaq piffissamut ulapiffiunngitsumut atuuttussamik sulisusut pigiinnarsinnaajumallugit. Tamatuma saniatigut neqerooritinik pilersitsisoqassaaq nunanut sanilerisanut suliususanut atasumik.	Ilinniartitaaneq/ Suliffeqarneq	Inuussutissar- siorneq	

Suliniut 37 - Fast-track-imik aqqissuussineq nunanit tamalaanit sulisussanut	Qularnaarisoqassaaaq fast-track-imik aqqissuussinermik nunanit allanit sulisussanut immikkut ittumik sulisussaaleqisarneq iliuuseqarfigiumallugu.	Ilinniartitaaneq/ Suliffeqarneq	Inuussutissar-siorneq	
Suliniut 38 - Takornariartitsinermiittun ik inuussutsumik pikkorissaaneq	Iluusissanut pilersaarummikk ineriartortitsisoqassaaq inuussutut takornariartitsinermut sammilersikkumallugit, kiisalu pikkorissartitsinermik takornariartitsinermut inuussutunut maanna suliffeqarnerup ilinniakkallu avaaniittunut.	Ilinniartitaaneq/ Suliffeqarneq	Ilinniartitaaneq	
Suliniut 39 - Upalungaarsimanermut atasumik ilinniartitaaneq takornariartitsisartunut	Upalungaarsimanermut ikieqqaarnermullu pikkorissartitsisoqassaaq ilinniartitaanerni.	Ilinniartitaaneq/ Suliffeqarneq	Peqqinneq	
Suliniut 40 - Innuttaasut piginnaasanik qaffassaaneq pillugu ilisimasaat annertusarneqassapput.	Innuttaasut takornariartitsinermi piginnaasanik qaffassaaneq pillugu ilisimasaat annertusarneqassapput.	Ilinniartitaaneq/ Suliffeqarneq	Ilinniartitaaneq	
Suliniut 41 - Piginnaasanik, ilinniartitaanermi pisariaqartitsinermillu nalilersuineq aamma qaffasinnerusumik ilinniagaqarneq	Nalilersuisoqassaaq piginnaasat piumaneqartut aamma ilinniaqqittarnerit pisariaqartut pillugit. Ilinniartitaanernik pisariaqartitsineq qulaajarneqassaaq qaffasissumik ilinniarsimasunut atasumik	Ilinniartitaaneq/ Suliffeqarneq	Suliffeqarneq	
Suliniut 42 - Ilinniartitaanikkut aamma sungiusarnikkut neqeroorutit	Najukkani sulilersitsiniutit nutarteriffigineqassapput	Ilinniartitaaneq/ Suliffeqarneq	Ilinniartitaaneq	
Suliniut 43 - Ilitersusarnermi periaatsinik malinnaatitsineq takornariartitsinermi	Ilitersuutiniq nutarterisoqassaaq ilinniartitaanernut suliffissanullu periarfissat takornariartitsinermiittut pillugit	Ilinniartitaaneq/ Suliffeqarneq	Ilinniartitaaneq	
Suliniut 44 - Pikkorissaqqinneq	Takornariartitsisartunut piginnaanngorsaannissamik siunertaqarrumik pikkorissartitsinermik aqqissuussisoqassaaq	Ilinniartitaaneq/ Suliffeqarneq	Ilinniartitaaneq	
Suliniut 45 - Takornariartitsinermik atuartitsineq	Takornariartitsineq meeqqat atuarmi fagitut pilersinneqassaaq atuarsimassuseq akimorlugu	Ilinniartitaaneq/ Suliffeqarneq	Ilinniartitaaneq	
Suloniut 46 - Ilinniartitaanertigut neqeroorutit	Siunnerfilersugaalluartunik ilinniartitaanikkut aamma pikkorissartarnikkut neqeroorusortoqassaaq, kiisalu nutaamik takornarianut sammisumik ilinniagaliorloqarluni, matumani aamma inuussurissarsiuinik ilinniartitaanerni.	Ilinniartitaaneq/ Suliffeqarneq	Suliffeqarneq	
Suliniut 47 - Siammasissumik takornariartitsinermik ilinniartitaaneq	Siammasissunik pikkorissartitsisarnernik aqqissuussisoqassaaq, kiisalu kiisalu aamma takornariartitsisartunut siammasissunik pikkorissaqqinnarnernik neqerooruteqartoqarluni.	um	Suliffeqarneq	
Suliniut 48 - Silami sulineq pillugu inatsisit	Silami sulinerit inatsisiliorneq nutarteriffiussaaq, imaallilugu takornariartunut atugassarititaasut pitsaanerulersikkumallugit.	Ilinniartitaaneq/ Suliffeqarneq	Suliffeqarneq	
Suliniut 49 - Ilitersuut ilinniartitaanernut quppersagaq	Ilitersuummik ilinniartitaanernut quppersakkamut suliaqartoqassaaq, misissuisut takunnissinnaatillugit ilitersuutitut piginnaasassanut.			
Suliniut 50 - Takornariartitsinermik paasisitsineq 10. klasse	10. klassinik nutaamik pilersitsisoqassaaq takornarialerinerimik siunnerfeqartumik.	Ilinniartitaaneq/ Suliffeqarneq	Ilinniartitaaneq	
Suliniut 51 - Outfitteritut ilinnuartaaneq	Outfitteritut ilinniartitaaneq aallarteqqinneqassaaq aammaloorluni neqerooruteqartoqaqqullugu.	Ilinniartitaaneq/ Suliffeqarneq	Ilinniartitaaneq	
Suliniut 52 - Helikopterimik ingerlatitsisunngorniartun ut tapersersuut	Helikopterertartutut ilinniartitaanermut tapersersuinerimik pilersitsisoqassaaq.	Ilinniartitaaneq/ Suliffeqarneq	Ilinniartitaaneq	
Suliniut 53 - Nunanit tamalaanit sulisussat piginnaasatigut pikkorissarneqarneri	Nunanit allaneersusut sulisunut piginnaasanik ineriartortitsivinnik pilersitsisoqassaaq.	Ilinniartitaaneq/ Suliffeqarneq	Ilinniartitaaneq	
Suliniut 54 - Nordplus-imik nalilersueqqinneq	Nordplus-imik atuineq ilinniartitaanermi ilitersuutitut nalilersueqqinneqassaaq.	Ilinniartitaaneq/ Suliffeqarneq	Ilinniartitaaneq	
Suliniut 55 - Takornariartitsisartunut piujuaannartitsinermik aqqissuussineq	Piujuaannartitsinermik aqqissuussinermut akuersissuteqarnerimik takornariartitsisartunut atasumik aqqissuussisoqassaaq.	Pinngortitaq	Inuussutissar-siorneq	

Suliniut 56 - Whistlebloweritut takornariartitsinerimi	Whistleblower-itut aaqquissuussinerimik takornariartitsinerimi pilersitsineq, ikiorsiissutaasussaaq najukkani mikisuni inukitsuni unioqqutitsinerimik nalunaartarnerni.	Pinngortitaq	Inuussutissar- siorneq	
Suliniut 57 - Aningaasaateqarfiliorneq silap pissusaanut inuussiarnerumik takornariartitsisartunut suliniutinik	Aningaasaateqarfiliortoqassaaq silaannaap pissusiinut iluqaataasunik takornariartitsisartut suliaannut iluqaataasussamik.	Pinngortitaq	Inuussutissar- siorneq	
Suliniut 58 - Piujuaannartitsinerimut periusissiaq	Piujuaannartitsinerimut periusissiamik ineriartortitsisoqassaaq, inuussutissarsiummi ungasinnerusumut piviusunngortitsissutaasinnaasumik.	Pinngortitaq	Inuussutissar- siorneq	
Suliniut 59 - Zone-nini piujuaannartitsineq takornariartitsinerimi	Zone-nut immikkoortitserineq takornariartitsinerimi pilersinneqassaaq, oqimaatigitiissaakkamik ineriartortitsiumalluni, pilerinartuni takornariarfusaruni.	Pinngortitaq	Inuussutissar- siorneq	
Suliniut 60 - Qorsuusumik ineriartortitsineq	Takussutissiissusiortoqassaaq qorsuusumik ineriartortitsinerimut	Pinngortitaq	Inuussutissar- siorneq	
Suliniut 61 - Piujuaannartitsisumik takornariartitsisarneq	Takornariartunut ileqqussanik ilitersuummik suliaqartoqassaaq, kiisalu aamma takornariarnermi pissusilersuutissanik, Taamaaliornikkut annertusineqassaaq takornariartut isumannaatsumik nunatsinni angalaarsinnaanerit.	Pinngortitaq	Avatangiisit	
Suliniut 62 - Nutaq nuna allanngutsaaliugaq	Nunamik allanngutsaaliukkamik nutaamik pilersitsisoqassaaq	Pinngortitaq	Avatangiisit	
Suliniut 63 - Nunamut allanngutsaaliukkamut aningaasaliussarsiorne- q	Ilusissaliortoqassaaq aningaasalersuisitsisarnermut nunamik allanngutsaaliukkamik iluqauteqarnermut atatillugu.	Pinngortitaq	Avatangiisit	
Suliniut 64 - Ilisimatusaatigalugu takornariartitsinerimik ineriartortitsineq	Ilisimatusaatigalugu takornariartitsisarnernup aningaasatigut kingunerisartagai nalilersuivigineqassappu, periusissialiortoqarluni ilisimarusaatigalugu takornariartarnermut, suussusilersuisoqassalluni, piumasaaatinillu aaqqissuussisoqarluni ilisimatusaatigalugu takornariartitsisanermullu nalunaarut nutarterneqassalluni.	Nioqqutissanik ineriartortitsineq	Avatangiisit	
Suliniut 65 - Takornariartitsinerimik suliniutinut avatangiisnut aningaasaateqarfik	Avatangiisunut aningaasaateqarfimmik pilersitsisoqassaaq takornariartunit aningaasalersorneqartumik, avatangiisnut eqqummaarissumik ingerlatsinerimut aningaasalersuutaasussanik.	Pinngortitaq	Avatangiisit	
Suliniut 66 - Nammineq piumassutsimik suliniutit takornariartit avatangiisnut eqqumasunut sammisoq	Takornariartunit nammineq piumassutsimik suliniutinik aallarnisaasoqassaaq najukkani iluqaataasussanik.	Sanaartorneq/Nioqqutis sanik ineriartortitsineq	Avatangiisit	
Suliniut 67 - Takornariartitsinerimik ingerlatsivinni imminut pilersortuunermik suliniutit	Imminut pilersorneq ineriartortinneqassaaq, nunap imminut pilersortuussusia ineriartortikkumallugu	Sanaartorneq/Nioqqutis sanik ineriartortitsineq	Avatangiisit	
Suliniut 68 - Nukissiuutinik ineriartortitsineq ingerlatsinerlu	Nukimmik assartuineq inerisaanerlu annertusaavigineqassapput.	Sanaartorneq	Avatangiisit	
Suliniut 69 - CO2 Aningaasalersuineq aamma annikilliliinissamik suliniutit	CO2-mut atasumik nalunaarusiortarnermut aningaasalersuinissamut periarfissanik ineriartortitsisoqassaaq.	Pinngortitaq	Inuussutissars- siorneq	